

DISSERTATIO MEDICA INAUGURALIS
DE

SEDATIVO ARCHEI,

QUAM

SUB AUSPICIIS

RECTORIS MAGNIFICENTISSIMI
SERENISSIMI PRINCIPIS AC DOMINI

DOMINI FRIDERICI

HASSIÆ LANDGRAVII, &c. &c.

CONSENSU ATQUE AUCTORITATE

AMPLISSIMÆ FACULTATIS MEDICÆ

IN

PER ANTIQUA UNIVERSITATE MARBURGENSI
PRO SUMMIS

IN MEDICINA HONORIBUS

ET

PRIVILEGIIS DOCTORALIBUS

RITE OBTINENDIS,

PUBLICO ET SOLENNI

MAGNIFICORUM ET EXCELLENTISSIMORUM

DNN. PROFESSORUM

EXAMINI

AD D. XI. DECEMBRIS A. R. S. MDCCXXXII.

SUBMITTIT

JOH. CHRISTIANUS CARL, *Med. Flachenb.*

MARBURGI CATTORUM,

Typis PHILIPPI CASIMIRI MÜLLERI, ACAD. TYPOGR.

REGISTERED TRADE MARK

SEWELL & CO

RECTOR'S BUILDING, 10, BROADWAY, LONDON, E.C. 4

DOMESTIC

AMERICAN PATENTS

IN AMERICA AND ABROAD

THEY ARE THE ONLY PATENTS

FOR THE PROTECTION OF THE PATENT

AND THE ONLY PATENTS

FOR THE PROTECTION OF THE PATENT

THEY ARE THE ONLY PATENTS

DISSERTATIONIS MEDICÆ INAUGURALIS
DE

SEDATIVO ARCHEI

ARGUMENTUM.

Exordium. §. 1. Paucis remediis est opus pro sanitatis restitutione. 2. Uti paucis nutrimentis opus est pro sanitatis conservatione. 3. Multitudo in utroque genere est pœna amans, & amor puniens. 4. Sufficiantiam vero paucitatis edocet paupertas. 5. Inde divites magis ad pauperum subsidia confugiunt. 6. Et sic materiæ medicæ selectus prodiit. 7. Exemplum hujus conaminis salutare, ubi aliena theoretica sunt separata. 8. Sic etiam pharmacia in compendium utile est redacta. 9. An talis paucitas in unitatem & universalis deduci valeat. 10. Vel in binarium statum universaliter evacuantis, & alterantis. 11. Vel in agentis sedativum ac confortativum.

PROPOSITIO.

De Sedativo Archei.

TRACTATIO.

Pars generalis de fundamentis sedativi archealis Theoretico-practicis.

§. 1. Differentia organismi à mechanismo hoc scopo necessaria est. 2. Anima enim indiget in sui spirituales usum corpore & actu organico. 3. Hoc à corruptione con- & præservare debet. 4. Pro intellectus ac voluntatis executione. 5. Uterque actus indiget ministerio organico sensoriorum & sensationum. Indiget etiam hic actus locali motu. 7. Hujus totius actus causa efficiens, materialis, instrumentalis. 8. Inde structura. 9. Ac mixtionis tuitio. 10. Per circularem progressum sanguinis. 11. Actus hic conservatorius est organicus. 12. Morbidus in sanitate. 13. Sanus in morbo. 14. Ordinatus ut plurimum, & æqualis. 15. Confusus ob inter-

A

nam

nam, & externam turbam. 16. Idque vel nimium vel parcius agendo. 17. Quorsum ministerium tendit, *αυτοκρατεיא* ad æqualitatem deducendo. 18. Quod æquilibrium semper fere est securissimæ indicationis. 19. Temperatio magis necessaria est ob præcipientiæ habitum innatum. 20. Si accedat Cholericus status. 21. Et similes mores ascititii. 22. Natura etiam ætatis junioris. 23. Valetudinaria etiam dispositio. 24. Externæ nimietatis causæ, *a)* plethora, *b)* orgastica qualitas. *c)* miasmatica agilitas. *d)* labes viscerum in mixtione ac textura inexpugnabilis. 25. Fundamentum inde pendet sedativi in genere. *a)* Animi placidus status à priori. *β)* œconomix vitalis in mixtione ac structura ordo ac æquilibrium. *γ)* ministerium appropriatum, *δ)* indicata generalia, 1. Aqua, 2. aquositas salina, 3. Antispasmodica.

PARS SPECIALIS

De Sedativi documentis & experimentis.

Cap. I. In anomaliis pulsus, seu motibus febrilibus. §. 1. In his actibus natura nimium agere potest, & actu agit. 2. In acutis ubi sedativum indicetur. 3. In intermittentibus. 4. hecticis.

Cap. II. De Sedativis in anomaliis toni. §. 1. Quid in hoc autocratix genere fit nimietas, & ubi. 9. in hæmorrhagiis in genere. *a)* in specie narium & ani, *b)* pectoris, *c)* renum, *d)* uteri, *e)* vulnorum, *f)* artificialium. 2. In motibus humorum spasmodicis, maxime doloribus.

Cap. III. De cautelis practicis generalibus circa sedativum archei. §. 1. Actio & passio in actu morbido probe discernenda. 2.) Ministerium medicum se magis ad materiæ alterationem dirigat. 3. Gradualis magis temperatio observanda. 4. Secundum naturæ vergentiam. 5. Ne ordinaria excretio lædatur. 6. In pharmacis gradus sedationis tenendus. 7. Correctio sedativi con- & subjungenda. 8. Hujus fundamenta. 9. Experimenta. 10. Methodus tamen sedationis præstat præ pharmaco. 11. Utrumque tamen ordini naturæ sit conveniens. 12. Quid de panaceis. 13. & de dosi sedativorum restat consilium.

EXOR.

E X O R D I U M.

§. I. Quæstio in therapia generali & speciali, dogmatica, & clinica, sollicitam enodationem, & applicationem requirens, est, num ad curam morborum multis vel paucis medicamentis opus sit. Scinditur medentium cohors in varias partes, ut una mox in hanc, altera in aliam ac plane diversam partem nimium dilabi videatur. Notum enim est, quorsum devenerint medicinæ hermeticæ cultores, ut universali ac panaceali armatura omnes, etiam gravissimos, at aliis subsidiis incurabiles morbos debellari posse glorientur. Alii vero dogmaticæ ac empiricæ medicinæ amatores ad tot morborum & causarum varietates tot etiam fontium pharmaceuticorum rivulos delibandos esse, ac hauriendos in suis therapia ac materiæ medicæ promptuariis demonstrant. Quod si itaque mediam virtutis ac veritatis viam inquirere, invenire, ac ei utiliter insistere velimus: deprehendemus in prudenti observatione, quantum curæ opus sit, ne vel ad dextram vel ad sinistram nimium deflectamur ac aberremus.

§. 2. Et sane si experientiam seduli colamus, imo attentam rationem simul in subsidium vocemus: non difficile fuerit, manibus palpare, quod sicut in scibili medico aliena & inutilia separando paucum sed optimum remanere cognoscatur, ita etiam in illis instrumentis, materiis medicis, quibus intentio artis, & ministerium naturæ in effectum deduci possit ac debeat, vastissimus campus ac regni triplicati immensitas in insignem paucitatem necessitatis, ac utilitatis inevitabilis redigi valeat. Eadem ratio hic applicari potest, quæ in farragine nutrimentorum. Prout enim alimenta necessaria in cibo ac potu multifario, imo in numero per totum terrarum orbem colligenda luxuria potius humana, non vero naturæ ordo invenit ac produxit, divina vero indulgentia iis, quibus invisibilia, cœlestia, æterna displicent, concessit, ut ex inexhausto promptuario bonitatum aliquas saltem, licet caducas, dotes suscipiant: sic in nutrimentis ægri corporis necessitas non in multitudine omnium

regnorum terræ ac mundi expiscanda venit, ut remedium morbi inveniamus, sed latet ipsum tum in œconomia vitali ipsa, scilicet in naturæ autocrático actu ac virtute à summo creatore inditatum, quantum subsidii materialis pharmaceutici cuivis opus esse videtur, ægrotanti ac medenti in sapientissima ac utilissima simplicitate ad manus, pedesque positum esse deprehenditur.

§. 3. Quæ cum ita sint, experientia & ratio firmum talum adferunt sententiæ illi, quæ paucitatem nutrimentorum, & medicamentorum adstruit, & abundantiam utriusque ærarii divinæ quidem clementiæ, abusum vero humanæ dementiæ tribuit, ut itaque undique bonitas cœli justificetur, quæ hominem ex beata unitate in turbulentam sensuum varietatem delapsum, multis terrarum salubrium oneribus obruere laboravit. Sic necesse est, ut qui folia arboris vitæ in æternam conservationem degustare detrectavit, imo innumèris paradisi fructibus non fuit contentus, ex dispersis interni mundani regni corporibus ac fragmentis salutaribus quærat ac inveniat opem in vitæ temporalis levem ac brevem custodiam.

§. 4. Non opus est, ut vel in Philosophiam, vel Theologiam descendamus, in infinitarum artium medicarum ac diæteticarum necessitatem ac utilitatem destruendam, edocet plebs ipsa è quotidiana ac indestructibili experientia, quod homo panis & aqua etiam in diversitate climatum, ætatum, temperamentorum, laborum, conditionum, morborum &c. ad diuturnam usque moram sanitatis integritatem conservare possit, quodve labefactata sanitas sola medicina interna sub requie ac abstinencia, imo vilissimis, & parcissimis, ob oculos versantibus, ante pedes jacentibus, medicamentis restitui valeat. Edocet ac confirmat insuper sapientissima ac certissima experientia vulgi, imo plebs paupertatis suæ encomia frugalia ita novit perorare, ut sanitatis conservandæ ac restituendæ frugalem suppellectilem, in paupertatis promptuario reperiundam, ditiorum inopi ubertati præferant.

§. 5. Ne verò in indagine physico-medica Rhétorem me agere quis judicare valeat, in medium produco unicam observationem, quæ

quæ indies occurrit attento oculo mentique illius, qui aulas, & caulas Magnatum & pauperum peragraræ ac perlustrare sortem adeptus est. Nonne Magnates inter myriades epularum ac deliciarum fastidii delectu titubant, & saltem veluti canes de Nilo lambunt gustantque cortices: quotiescunque vero ex populari culina fercula simplicissima adportantur, panis veluti carbonarius, pisa, lentes, brassica, haleces &c. nonne veluti vultures in rapinam esculi lautissimi irrumpunt, plenoque ore arripiunt? Ex mensa culinaque Magnatum si transeas ad ægrotantium lectulos ipsos, & innumeros numeros consiliorum ac subsidiorum medicorum, pharmaceuticorum, alchymicorum perpendas, nonne obveniet mira illa animadversio, quod in statu necessitatis periculi tota hæc cohors despicatur, rejiciatur, illique vel aniculæ auxilium præferatur, vel omnium arcanorum fastidio lucta morbi naturæ beneficio relinquatur?

§. 6. Quamobrem naturæ scrutatores solertiores his, & superioribus temporibus semper eo animi nervum impendere allaborarunt, ut ex materiæ medicæ farragine selectam necessitatem, utilitatem, simplicitatem consequerentur, sicque omnis loci, generis, formæ abundantiam in hanc utilem parvitatem concentrarent. Veritas hujus dogmatis experimentalis in schola medica ita est corroborata, ut v. g. c. D. Ludovico pharmacias crudiores, & chymiatrias artificiores in angustos cancellos contrahere pergant. nec in culinas Mynsichtianas, Zvvölferianas, Schröderianas, similesque reverti, ac reducere cordi habeant, quinimo ex selectis mercaturis, hermeticis etiam, novos cortices decutere, & verum nucleum eruere summæ necessitatis esse profiteantur.

§. 7. Celeberrimus STAHLIUS, quemadmodum ab omnibus, qui rei medicæ, quoad theoriæ ac praxeos in concussum fundamentum ac nexum gnari, ac æqui æstimatores sunt, me quidem iudice gloriam reportavit medicinæ talis enucleatæ restauratoris, ita etiam materiæ medicæ, imo pharmacæ, ac chemiæ verus enucleator dici meretur, dum quicquid ejus experientia vel selectum vel

repudiatum reperiatur, hoc etiam in aliorum experientia factum tectumque deprehendetur. Contumelia improbi lacefferunt hunc tantum virum, quem totus orbis medicus vere doctum, omnibusque divitiis, quæ ad scientiæ artisque medicæ universam culturam atque ornatum facere possunt, uberrime repletum, merito veneratur quando sub primordiis suis medicinæ adhibendæ tanto animi argumentorum verborumque acumine contra aliena physica, anatomica, mathematica à medica theoria removenda pugnavit, ac si moderni ævi inventa, quæ ut fulcra medicinæ mechanica putabantur, subruere, & ita medicinam in mathematicam demonstrationem mox transfiguram, denuo in antiquas empirias & occultas qualitates reducere niteretur, cum tamen nuppiam in medicis ac physicis demonstrationibus ejusmodi evidentia dogmata mentibus ac manibus oblata sint. Ejusdem, inquam, censuræ iniquæ specimen undique prodiit, quando hic Vir acutiore, quam Ludovici usus est, falce aliena practica, maxime promissa sesquipedalia materiæ medicæ, & inprimis arcanorum chymicorum, alchymicorum, resecurit, ejecit, ac pauciora probatioraque retinuit. Profecto non solum clandestini convitiis susurri inde prodire, quam vanus sit scholæ STAHLIANÆ conatus, pulvere ac pilulis morbos omnes oppugnandi, sed etiam seni isti dimidium seculum in praxi solidiore emenso, defectus alicujus nota atro carbone inducitur sustulit hos scrupulos denuo prudente informatione non ita pridem, quæ commercio medico Norimbergensi inserta est, ut tum nasutioris mentis, tum emunctæ naris homines invenerint copiam remediorum in paritate, necessitatem ac utilitatem in selectu, certitudinem in dextra administratione, veritatem in ductu ministerii vergentiæ naturæ subordinato.

§. 8. Quisquis itaque vel hanc extremam gravis senis firmamque demonstrationem ac institutionem, quæ materiam medicam ad tam insignem paucitatem deducit, æquo judicii lance ponderare desiderat, propriamque experientiam associare: is intelliget quam clarissime, ubertatem materiæ medicæ longe frequentius in
impe-

impedimentum ac detrimentum certitudinis theoreticæ ac practicæ cessisse, parcitatem, selectum, constantiam medicamentorum usus fructus maturos utrique medicinæ generi attulisse. Et sane veritas hæc ita utrinque est roborata, ut vel pueri hodie, inprimis Medicinæ ac Pharmacis vestibulis constituti, eam incertam ac hallucinantem praxin pronuncient, quæ farragini medicamentorum, formularum, arcanorum superstruatur. Præterea discennes docent, abundantiam materiarum, multitudinem numericam gradualem in quovis genere ac classe offerre pro selectu libero ac sapiente, tanto certius ac utilius inde capeffendo.

§. 9. Quod si itaque in usu materiæ medicæ multum non multa, imo sæpe unum necessarium, ut ita loquar, seligere necesse sit: tum alia insuper quæstio exsurgit in methodi medendi generali habitu, maxime in indagine indicati an non selectus talis in angustiores cancellos non solum quoad numerum specierum, sed etiam generum ac classium deduci ac concludi possit. Hermeticæ philosophiæ ac medicinæ addicti cultores omnia subsidia ac rivulos fontium therapeuticorum in simplicem unitatem panacæ universalis reducunt, quippe quæ, ut cœlestis astralis profapiæ, homogeneam puritatem, & efficaciam possideat, archeum vitalem, utpote similis naturæ, erigendi, roborandi, quo omnibus influentiis tenebrarum morbidis resistere, & ita œconomiam vitalem ab omni malo liberare ac tueri valeat. Fistula dulce canit, sed avicula Hermetis, undique venalis, undique in nemoribus quæsitæ, hanc cantilenam decantare nondum valuit, ut ægroti, sani vero mente, certiozem fiduciam, quam sani ægrotantes mente roborare valuerint. Quod si vero talis panacea vera ac indubia in hujus vel illius artificis manus devenire forte quadam obtigerit: Tamen raritas ac parcitas hujus materiæ medicæ ita magna est, ut multitudini morborum ac medentium non possit in subsidium cedere, & illi inde aliis certioribus & largioribus frustrari.

§. 10. Prodit itaque inter eos, qui à vulgaribus fontium therapeuticorum ordinibus recedunt, ex numero unitatis duplicatur
status

status, ut epitomatores tales universale purgans, & alterans inveniri, & adhiberi posse, & omnibus indicationibus morborum supplendis sufficere existiment. Chymiatriæ fons hunc duplicem rivulum promptius respondet ac dimittit, quam priorem unitatis universalis profluxum. Unde, quot artifices prodeunt, tot etiam universalia purgantia, & alterantia dimanant. Effectus vero ac usus constantes nusquam promissis stare querela communis evasit. Quamobrem methodus dogmatica therapie rationalis, ac experimentalis à suis certioribus fontibus deflecti non patitur.

§. 11. Sunt & alii inter epitomatores tales secretiores materiae medicae, qui arbitrantur evacuationem, & alterationem materialem aptius, naturæ autocraticæ actui relinquendam, quæ tempus, modum, locum, ordinem melius sentiat ac adhibeat, quam ministerii medici manus invenire queat. Unde solum ad agentis ordinem & gradum in activitate respiciendum esse judicant, ut vel actus nimietas erronea temperetur, sopiatur, ad ordinarium statum reducatur, vel defectus, suppressio, cohibitio impediatur, imo in priorem statum actionis ac virtutis vitalis æqualem revertatur. Exinde prodit binarius numerus indicatorum universalium, scilicet sedativi ac confortativi archei.

Cum vero hujus duplicis medicationis existentia, ac usus in therapie ordine universali sublimiore ac communione locum merito inveniat: non incongruum fore existimo, si unum ejusdem latus jam considerandum mihi proponam, quomodo nempe dextra ejus inventio, & applicatio in fundamentali habitu medicinae rationalis sedem certum reperiat.

§. 12. Adsumam itaque considerationem Sedativi Archei, scilicet veræ indicationis, & indicati pro æquilibrio motuum vitalium morbidorum restituendo ac conservando. Necessæ erit inquisitio fundamenti generalis, cui hoc medicationis genus certe ac secure, necessario ac utiliter, superstrui poterit. Subjungetur documentorum ac experimentorum specialis subordinatio, quænam sub- & objecta universalem vel particularem archei sedativum exigant.

Ac-

Accedent quædam cautelæ ac observationes generales circa hanc classem ac ordinem indicationis, & indicatorum. Ita methodus, ordo, usus legitimus hujus medicationis certitudinem ac securitatem stabilire ac confirmare valebit. Faxit divina bonitas, ut hæc contemplatio fructus adportet maturos!

TRACTATIONIS
PARS GENERALIS
DE
FUNDAMENTIS THEORETICO-PRACTICIS
SEDATIVI ARCHEI.

§. I. Differentia organismi & mechanismi in actu vitali, sicut diversitas mixti & vivi temperamenti ab iis temporibus, quibus confusio ex disciplinis mathematicis in œconomia vitali est introducta, multis argumentis, documentis & experimentis est adserta, ut nostro ævo superfluum negotium esse videatur, si ulterius ad aliena ejusmodi è Medicina expurganda manum admoveere velimus, maxime cum æterni nisus motuum vitali œconomix impressi, similisque furfuris commenta, quibus automatici motus vitalis mechanismi hodie sub alieno schemate colorari deprehenduntur, nullo alio fulcro innituntur, adeoque inprimis ob damnum quod exinde in considerationem, & applicationem veram rationalem ac experimentalem sedativi archei resultat, eandem discussionem merentur. Cum vero; uti jam verbo indigitatum, ejusmodi transumptiones mathematicæ, in applicationem physicam interioris mixtionis non solum, sed etiam in vivi corporis consideratione, ubi liberi ac directi motus ad proportionem quidem organico-mechanicam instrumentorum, sed tamen ex agentis scopo necessario instituti, atque pertractati actus conservatorii occurrunt: Fieri non potest, quin confusio mechanismi & organismi in theoria, & praxi hujus medicationis per sedationem motus multas periculosas pariat adplicationes. Quamobrem neces-

B
fitas

sitas efflagitat, ut paucis ordinem actus vitalis proponemus, & ita per se fluente applicatione, naturam, modum, tempus, locum sedativi archealis cognoscamus.

§. 2. In œconomia hominis vitali uti in tota natura humana, omnes qui cognitionem ac scientiam capere ac tradere studuerunt, ad duas substantiales partes oculos converterunt, scilicet visibilem & invisibilem, spirituales & corporalem, ut ita ex vivi & mortui hominis consideratione utriusque essentialis partis natura, habitus, qualitas, tum in se ac solitario habitu, tum in statu unionis, quomodo una pars in alterum influat, cognoscatur. Est itaque in homine spiritualis substantia invisibilis, uti materialis corporea visibilis. Quemadmodum vero prior pars per se subsistere potest, & suæ naturæ congruas operationes extra corpus adhucdum exercere: ita altera pars corporea suos mechanico-organicos actus ac usus amittit, imo temperamentum mixti ut vivi deserit, quam primum prior pars vinculum ac influxum perdidit ac deseruit. Unde colligi potest, animam scilicet seu spirituales partem non esse propter corpus, sed corpus esse propter animam. Cum vero animæ facultas centralis sit voluntas, vis scilicet appetendi, feligendi, & ad hujus virtutis executionem ministerialis facultas sit intellectus, ut objecta cognoscere, ac voluntati feligenda proponere possit anima ope hujus intellectualis facultatis: patet inde, animam pro duplicis facultatis, quæ spiritualis ac immaterialis actio existit, executione ministerio aliquo indigere seu instrumentalitate, semi, ut dicam, materiali & semi spirituali. Siquidem homo positus est inter objecta materialia crassa corporea totius creaturæ, ut eorundem naturam usumque pernoscat spirituali apprehensione, itaque scala quadam ad invisibilia occultiora pervestiganda ducatur. Ministerium ac medium inter τὸ recipiens animam volentem ac intelligentem, & inter objecta, τὸ corporeum, est sensus: quo ideam de objecto externo suscipit, & animæ tradit, & actum suum voluntatis ac intellectus exercet. Sensatio requirit organicam structuram in instrumento, & hæc materiam teneram, flexilem, tenacem, tum pro actionis teneritudine, tum pro ejusdem peren-

perennitate. Actio enim ultima animæ, scilicet ratiocinatio subtilitatem motus, & ejus diuturnitatem requirit, ut legitime ad finem optatum perducatur. Cum vera materia & forma, mixtio & structura, in œconomia sensationis eadem sit, quæ in actu vitalitatis: Quæritur an non hic posterior status priori in ministerium cedat ac inserviat. Quæritur præterea cum anima efficienter in actu rationationis influat, an non etiam in actum vitalitatis, qui est ministerium actus prioris? Stabit itaque sententia in simplici hac pensitatione firmo talo, actum vitalem universum cum singulis actibus intermediis, scilicet actum sanguinis, nutritionis, depurationis &c. instrui, dirigere, moveri ab anima, adeoque mechanicam instrumentalitatem esse organicum proportionatum medium in mixtione ac textura materiæ, ut finis ultimus tanto felicius obtineri queat.

§. 3. Præterea in ulteriore generali pensitatione œconomia vitalis patefcet, materiam corporis quoad mixtionis primordialia principia requiri substantialitatem aqueam ob mobilitatem, terream ob firmitudinem, oleosam ob calidam combinationem. Ex hac materia triplicis elementi compages corporis est constructa. Terna hæc mixtionis principia ægerrime inter se cohærent: Maxime inter externa aeris, in quo degere debet pro operationum exercitio, damna, quæ calore, humiditate, frigore, siccitate &c. dissolutionem eis introducunt, ut mixtio destruat ac in putredinem abeat, quæ mors est. Quamobrem mixtionis conservatio necessaria est, quæ fit motu vitali, seu sanguinis ita dicto circulo, non quidem quatenus sanguinea materia motu perpetuo intestino ac progressivo agitatur, sed quatenus consecrarii actus necessarii ac utiles sub tali circuitu perpetrantur; scilicet partium impurarum separatio, nutritiarum appositio, ac restauratio, fluxilitatis conservatio, inquinamentorum in partibus porosis stagnantium absterfio &c.

§. 4. Brevissimis ut totum hoc negotium Archei organicum concludam ac exponam, extra dubium erit animæ actum centralem esse voluntatem, appetere bonum & rejicere malum, actum ministerialem esse intellectum, quo dijudicet objecta allata, & cum homo in-

tra objecta corporea constitutus fit, opus habere animam organis, & ministerio sensuum, & quidem diversorum pro diversitate cognoscendi, apprehendendi objecta externa.

§. 5. Sensoria talia non solum appropriatam materiam, sed etiam fini destinatam structuram deposcunt. Assumitur hæc ex aqua, terra & oleo. Ægre hæc elementa inter se cohærent. Dissolutio est putrefactio, seu mors. Inde structura ac materia organismi sensorii requirit materiam ab extra illatam - & ejus conservationem in statu sano.

§. 6. Animæ actus sensatorius non solum requiritur per actus voluntatis & intellectus exercitio, sed insuper motus localis totius corporis, & artuum imprimis, ut voluntas conclusa in executionem deducatur; inde organismi totius motus localis in musculis ossibus &c. materia & structura legitima dependet.

§. 7. Materiæ & structuræ sensoriæ ac motoræ ædificatio ac conservatio perpetratur ab anima efficienter, & ab actu vitali instrumentaliter, ex & per quem organismus ille in materia & forma absolvitur.

§. 8. Scilicet materia nutritionis ab externis alimentis per universum actum chylicationis extrahitur, depuratur, singulisque partibus exquisite in structuræ ac usus exigentiam apponitur & assimilatur.

§. 9. Ne materia hæc in impuritatem morbi- & mortiferam delabatur, anima per & in organismo viscerum peregrina fermenta seponit, tenuissimum serum in glandulis cutaneis, crassius in renibus, adhuc spissius, & oleosius in hepate, muciditatem tenaciorem in reliquis glandulis.

§. 10. Cum vero sanguis humor sit spissiusculus; indiget pro fluxilitatis puræ conservatione motu circulari, speciatim transpressione per partes porosas, spongiosas conquassatorio. Quo simul inquinamento in partibus solidis residua absterguntur, & ad colatoria deducuntur.

§. 11. Hic est animæ, seu principii agentis, actus vitalis, quem propter internum ratiocinationis actum, tanquam ultimum finem, ador-

adornat, regit, dirigit, movet. Et est hic actus conservatorius corporis organicus, scilicet per convenientia organa ac media absolvendus, non mechanicus, automatico bruto actu, sine cognitione ac directione spiritualis agentis, decurrens.

§. 12. Est insuper hic actus vitalis secundum naturam, vitam & sanitatem conservans, nil aliud, quam perpetuus actus morbidus, quo mortifera fermenta ab intus genita, & ab extus illata, proportionatis actibus, tempore, loco, modo, per efficientiam animæ è suo necessario organo & œconomia ejiciuntur & averruncantur.

§. 13. Et actus morbidus, scilicet totum systema turbatae vitalitatis, nil aliud est, quam idem actus animæ secundum naturam, hic saltem ob causam urgentem, in p. n. seu extraordinario gradu intensus ad proportionatum locum directus, appropriato modo ac tempore institutus ac conclusus, commodis instrumentis susceptus.

§. 14. Quando in hoc negotio, tum sec: tum p. n. vitalitatis, sanæ ac morbidæ operationis, anima nec materiæ saburra nec motus impeditio obruitur: tum actus uterque æqualiter placide, ordinare, constanter pro: & succedit: idque vita popularis per innumera exempla sanitatis conservandæ, & morbositatis dispellendæ manifestum reddit.

§. 15. Cum vero ex lapsus in peccata humani inquinamenti non solum animæ actus internus finalis voluntarius & intellectualis in summam corruptionem ac confusionem abierit, ut inde homo bona non appetat, mala non rejiciat, vera non intelligat, falsa non cognoscat: Mirum duci non poterit, quod pariter anima in actu ministrante, vitalitatis scilicet negotio, in summam confusionem sit præcipitata, ut adæquatum modum, nisum, gradum, tempus, locum observare ac tenere nequeat. Taceo quod externa corruptionum fermenta tanta, & tam varia existant, quæ sponte irruant, & æqualitatem actus sanitatis confundant ac destruant.

§. 16. In hoc actu Archei vitam ac sanitatem conservatorio, & restauratorio, præcipue hoc ultimo obvenit duplex labes in principio agente, ut vel actus suos morbidos, in salutem quidem di-

rectos, in nimietatem, confusionem, præcipitantiam adigat, vel anxie, turbulenter, negligenter, languide, peragat.

§. 17. Cum itaque natura interna, morborum optima medica-
trix, uti veteres hoc mysterium medicinæ internæ jam cognoverunt,
hic primario in duplicem deviam delabatur: tum sane ministerium
medicum merito sollicitum est factum, ut, vel erigendo, vel tem-
perando, actum vitalem restauratorium, energiam animæ medicam
in temperatam, æqualem, ordinatam, constantem, proportiona-
tam semitam reducat, in eo conservet, itaque finalitatem vitalita-
tis custodiendæ assequatur.

§. 18. Merito vero disquisitio non tam contemplativa, quam pra-
ctica applicativa hic subvenit, quodnam genus ex hoc duplici mini-
sterio medico in experimentalis medicina maxime necessarium evadat?
Num plura exempla subveniant in praxi medica, in quibus natura
magis excitari; roborari, confirmari debeat, num vero plures ca-
sus observentur atque occurrant, in quibus natura in turba vitali
magis sopiri, sedari, temperari, corrigi, necesse habeat? Certe
oculus manusque practica nec huic nec illi frequentia se se solum
adplicat, sed attente in ordinatum æqualem statum microcosmum
perpetuo deducere ac tueri nititur, uti macrocosmus in suis actibus
sub ejusdem æquilibrii custodia legitimum cursum ac usum absolvit.

§. 19. Quodsi vero præcipitantia morbus præcipuus ac perpetuus
sit animæ, peccato tenebris obruta, qua suos actus rationales, mora-
les, civiles, spirituales toto die confundere ac deperdere deprehendi-
tur: tum sane mirum nec hic duci potest, quod anima in illis acti-
bus, in quibus saltem ministerio sensus tactus subtilioris fruitur, &
contra sensuum reliquorum acutiorum, imo totius actus ratiocina-
tionis auxilio destituitur, varia turbida consilia ac media ex hoc
præcipitantia fundo capeffat, imo capeffere debeat ob mortifera ele-
menta foris apertis undique irrumpentia.

§. 20. Ex hoc præcipitantia innato habitu anima in nimietatem,
& turbam actus sui autocratici delabatur præcipue in temperamenti
specialiore cholericæ agilioris natura, quæ etiam in statu sano in acti-
bus

bus vitalibus omnia facile in nimium deducit. Tanto magis hoc fit, si instatum naturæ p. n. tota vitalitas devolvatur, in quo periculum repentinum animam, ad resistendum se se accingentem, tanto citius & facilius in motum furentem conjicere valet. Unde vel levissima impetus occasio externa facile ejusmodi temperamenta in motus æluctatorii excessum detrudere potest. Quotidiana plebis experientia ejusmodi exempla tanquam regulas practicas radicata, producit quando in cholerice mobilioribus omnia evacuantia in mitiore gradu, specie, ac pondere, imo in attentiori modo; tempore, loco, adhibere suadet, quia facile in excessum operationis devolvantur. Afferunt suis loquendi formulis: Es wäre eine so empfindliche Natur / man dörffte nur ein Paar Pillen in den Sack stecken / so kan es genug purgiren. Item, man dörffe kaum die Helffte eines Schweiß-Tränckleins geben / so komme die gewaltigste Hitze / steige bald Verwirrung auf / breche alles zu solcher Heftigkeit / die nicht wieder zu stillen &c. Imo in alterantibus ejusmodi sensibilitas talia cholericæ temperamenta se se manifestant, ut vulgus etiam exinde vel tenerrimorum remediorum usum reformidet, cum facile peregrinorum motuum excessus inde sequatur. Die Natur sey so empfindlich / daß sie nicht eine Magen-Stärkung / Stahl-Tinctur / Bronnen-Cur / Fiebers-Lattwerge / u. d. g. vertragen könne.

§. 21. Eadem ratio & effectus observatur in ascitio animi mobilioris temperamento, moribus scilicet agilioribus, ac sensibilibus. Ex hoc statu quævis objecta levissimi etiam momenti, perquam facile, uti in civilibus ac rationalibus actibus, sic etiam in vitalibus negotiis, præter necessitatem repentinam ac furibundam quasi motuum sanguinis exacerbationem provocare possunt, quæ multis animi ac sanguinis placationibus raro ac languide compefcuntur. Nonne quotidiana observatio docet, quod talia subjecta, moribus animi fervidis ac austeris prædita vel à levi imaginaria nausea, vel verbulo, sono, visu, gustu peregrino ac inopinato in tantum animi & sanguinis incendium delabuntur, multo, imo omni ut
refri-

refrigerio medico ac morali non possint temperari. Quæ subjecti ratio ac consideratio in casibus medicis particularioribus sæpe intimius evolvi debet, & attentiore mente manumque medica tractari, quam causa morbi continens materialis, etiamsi malignissima videri possit.

§. 22. Est præterea adhuc aliud nimietatis præcipitantis fundamentum in natura animæ à priori ex fundamento ætatis, siquidem notum est, juniorem ætatem ad præcipitantiam magis esse proclivem ut omnes actiones celeri impetu adgrediatur, & quid furori tali resistit, vel non illico cedit, vel deserat vel perfringat. Eadem ratio est in vitalibus. Unde juniores impetus febriles, hæmorrhagicos, spasmodicos, &c. longe ferocius adgrediuntur, quam objecti materialis, id est, causæ morbiferæ, gravitas exigit. Quæ ratio est, cur contagia maligna epidemica à junioribus facilius captentur, & periculosiores turbas concitent, quam in annosioribus. Inde pestis etiam omnibus temporibus majorem stragem inter juniores edidisse observationes docent, & quidem non tantum ob materiæ sanguineæ molliorem, & ad corruptoriam dissolutionem laxiorem mixtionis constitutionem, sed ex animæ trepidantis, æstuantis, inconstantis habitu. Hac ratio est etiam præcipue notanda in impetu hæmorrhagico ac spasmodico, dum hic furor in hac ætate tam facile ac frequenter in extremam exacerbationem citra proportionem causarum materialium continentium & antecedentium descendat. In annosioribus sæpe eadem causa subest, corporea dispositio jam magis est labefactata, quoad partes fluidas & solidas, & tamen motus tales morbidi placide decurrunt. Inde ejusmodi cantilenæ anicularum audiuntur: Die Alte gehe mit ihrem keuchenden Husten / heftigen Blut-Flüssen / unter so vielen ansteckenden Seuchen frey herum / und ziehe sich noch lange / ehe der krachende Karren bricht / da die junge Leute als frische blühende Rosen so heftige und schnelle Anfälle von Bluten / Brechen / Hitze u. d. g. bekommen / die bald zum Ende eilen. Est itaque fundamentum satis manifestum in nimietate motus morbidi ex habitu ætatis citra proportionem.

portionem causæ materialis, ob quam etiam in consideratione consilii therapeutici in hac ætate semper magis generaliter ad sedationem ac temperationem motuum respici solet ac debet, quemadmodum in annosioribus ad confortationem naturæ medicam ac diæticam animus dirigitur.

§. 23. Adponi huic considerationi potest alia mixta contemplatio, ex animi & corporis concurrente sensibilitate semi morbida valetudinaria, ut inde præmature impetus motuum, & eorum excessus citra proportionem physicas exsurgant; scilicet vulgus hanc teneritudinem depingit. Es wäre eine solche empfindliche Natur / daß eine Muck an der Wand / der geringste Geruch oder Geschmack in einem Essen / alles erregen / und in die heftigste Verwirrung austreiben könne / daher müsse man sich in allen Worten / Speisen / Arzeneien so sehr in Acht nehmen / weil auch das Unschuldigste einen heftigen Schaden zu bringen pflege. Hæc animadversio quanti momenti sit in medicina aulica, mulierum, hecticorum &c. experientia docebit, ut inde trepida, si non prudente manu quasvis vel levissimas motuum irritationes, imo & impeditiones excitare, & evitare debeamus. Facilius enim est movere quietum, quam quietare motum, quam regulam mechanicam tam sæpe multo damno ac terrore addiscere, & docere valebimus.

§. 24. Transeo ab immaterialibus quasi motuum occasionibus ad nimietatem, & irritamentis vehementioribus ad magis materiales causas & calcaria, é quibus saltim unum & alterum exemplum adponam, ut ex eorum habitu aliorum influxum ac habitum dignoscere valeamus.

a.) Plethoram diu toleratam, tandemque orgasmo aliquo in commotionem traductam, tantæ vehementiæ motuum febrilium, hæmorrhagicorum, spasmodicorum &c. ortum ac causam evadere, & larga experientia roboratur, & omnis hypotheseos medicæ ratiocinatio hunc successum dilucidari, sub diversis quidem demonstrationibus, annititur. Cum vero pure mechanicum funda-
C men-

mentum motus tanti ab illo corpore & materia, quæ hæcenus & motum liberiolem æqualem sufflaminavit, omnem conceptum eludat: necesse est, ut causam moralem impulsivam hic agnoscamus, quo scilicet agens vitale abundantiam æqualis actus vitalis impedimentum, tandem irritatione aliqua introducta, excessivo impetu adgrediatur, vel motu hæmorrhagico exonerandi vel motu febrili consumendi, vel motu spasmodico discutiendi.

b.) Prout vero in hoc casu materiali fundamentum abundantia jam cum orgastico stimulo est conjunctum, licet etiam simplex plethora per se se ejusmodi nimietatem motuum suscitare valet: ita tamen tanto magis subvenit talis excessus stimuli motivi eluctatorii in agens vitale, quando non tam quantitas in culpa est, sed qualitas oleosa, pinguis, biliosa turgefactoria. Hæc causa in mechanica theoria motuum morbosorum pro unica ac sola causa motuum à materia censetur, & sic alii motus simpliciter à materia efficienter, per fermentationem, effervescentiam, similemque physicum actum evenire censentur. Sed repugnat statum cujusvis motus, tempus, locus, gradus, aliæque immateriales circumstantiæ, ad quas motuum horum tenor dirigitur. Hic vero pro nostro scopo experimentaliter solum adserimus, quod orgastica-sulphurea sanguinis qualitas, impulsivæ ac moraliter multum faciat ad agens excitandum, & in furiosas motuum exacerbationes, ac pertinacias præcipitandum. In motibus hæmorrhagicis illud sæpissime ita in manus delabitur, ut neque ventilatio artificialis, neque temperatio refrigerans, nec cohibitio adstrictiva impetum exundantiæ restinguere valeat. Motus quasi, primitus necessarius & æqualis, sensim in æstum inextinguibilem traductus est. Qui rerum status multos impulit ad iteratas missiones sanguinis easdemque largiores, non solum in climatibus calidioribus, sed etiam in frigidioribus celebrandas, ut ita contumax naturæ nifus excretorius satisfactoriam requiem adsequatur. Sic fervor materialis idem ex orgasmo in principium vitale devolutus in febribus benignioris naturæ impetus inflammatorios, deliros hæcticos suscitatur & relinquit. In motibus spasmodicis facile est, ut à le-

viorē

vioire principio contracturæ, exarescentiæ, convulsiones subnascantur; certe non tam ex materiali habitu, quam quod in agente ipso fervor tandem pertinax ardensque sit accensus.

c.) Aliam causam ex habitu qualitatis sanguinis pro motuum eluctationum excessu ac nimietate allegare jam placet ex fermento ac miasmate epidemico maligno, quod tenuissimæ atque agilissimæ substantiæ, penetrantissimæ vero ad putredinem efficacæ, instar halitus sanguineæ ac humorum massæ se se implicavit, totamque massam in corruptionem celerem præcipitare minatur. Agens sensu vitali hoc periculum percipit, & terrore subito in confusos febrilis excussionis motus dejicitur, ut talis tantaque turba præmatturos æstus, deliria, convulsiones, appetitus viriumque prostrationes post se trahat, imo attrahat. Inde hic effectus etiam potissimum resultat, quod subjecta, junioris ætatis ac trepidioris animi, magis contagiosis morbis obnoxii existant, imo etiam per eos deleantur. Natura enim putredinoso fermento in œconomiam vitalem illato, tanto magis in anxio sui ac tremente habitu confunditur, ut nimios, inconstantes, ferventes eluctationum motus suscipiat.

d.) Similis causa nimietatis, quam exerit anima in motibus autocraticis, existit, quando malum ac periculum grave, auxiliis internis & externis haud subigendum, attamen tolerantia quieta ferendum, repetito ac impetuoso actu aggreditur, &, priusquam hoc malum auferatur, tota œconomia vitalis destruitur. Hoc assertum ut eo clarius percipiatur ac demonstretur, unicum saltem exemplum loco omnium in medium proponam. Labes viscerum obstructoria, scirrholæ, ulcerosæ, febrem hæcticam comitem statim nanciscitur. In annosioribus ejusmodi visceris obduratoria labes diu gliscit, & sub levi valetudinario statu sine multis, non quidem sanitatis, sed vitæ turbis permanet. Imo in genere viscerum brutorum scirrhi, præsertim ovibus, ita frequentes sunt, ut pro hæctica tabe pinguescentiam admittunt. In junioribus vero ætatibus, cholericisque temperamentis præcipiti impetu ejusmodi viscerum vel leves læsiones in hæcticam consumptionem prolabuntur.

Non subest hic ratio materialis, sed certe moralis quia agens vitale in tali speciei, ætatis, complexionis habitu activæ impatientis indolis est, sicque omni opera obicem perfringere nititur, & cum ad effectum pertingere non valeat totam œconomiam vitalem motuum exacerbationibus depascit.

§. 25. Suffecerint, hæc pauca exempla generalia nimietatis in agente vitali, quoad operationes autocraticas attulisse, utpote quæ alia, & similia, tum generalia, tum specialia, imo & individua, in eundem lapidem lydium facile vocari valebunt, jam quoque necesse erit, pariter exempla generalis mitigationis adferre, ut per noscamus fundamenta theoretica & practica, in quibus universalis & particularis temperatio ac sedatio locum inveniat.

a) Sedativum generale omnibus morbis ac subjectis utile est agentis ipsius à priori innata vel ascita temperies in moribus animi, ut in operationibus moralibus, rationalibus, externis non solum, sed etiam in internis vitalibus, energix æquilibrium tueri valeat. Vulgus ea subjecta, naturali tali habitu prædita, phlegmate pacato ornata judicat, & asserit ea ad longævam vitam ac sanitatem præ aliis esse apta; inde quoque in morborum insultu præcipue disposita, ferociam affectuum temperata, cunctante, expectatione, expeditione, infringendi. Verba plebis ad minimum fundamentum experimentale aperiunt. Es wäre gar ein ruhiges / sanfftes / mildes Gemüth. Es lasse sich im äussern nicht so leicht beunruhigen / und überwerffen. In der Kranckheit habe mans auch zu geniessen. Er lege sich in die ruhige Stille / und überwinde ohne Arzenei in wenig Tagen die hefftigsten Kranckheiten. De senibus ad ordinariam & extraordinariam ætatum scalam ascendentibus, communis observatio docet, quod eorum animi habitus talem placatum, sedatum, securum tranquillitatis cuiusdam fatum exhibeat; secundum plebis effatum: Er ist ohne Scham und Gram / er wird alt / es ist ein zehrer Geist im Geben und Nehmen / hat eine zehre Hütte / u. s. w. Id si minus intelligi poterit, ratio & observatio è contrario adsertum comprobavit, dum omnia subjecta, quo magis turbidis, anxiiis, iracundis, fimi-

similibusque animi motibus sunt expofita, tanto magis morbofis influentiis captandis, & ægre expugnandis habilia exiftunt, multo minus ad aliquam longævitatē perveniunt. Alia obfervatio argumento valido infervit, dum illud hominum genus, quod nativa ftupiditate præditum, *die Stummen* / fingulari robore vitæ ac fanitatis gaudet, ut crudiffimas diætæ, aeris, vitæque injurias perferre poffit in multam usque ætatem. Convenit ea obfervatio, quæ totum brutorum, maxime ferorum, genus, licet eadem vitalitatis materiali mixtione fit dotatum, à morbofitate & fragilitate vitæ humanæ fingularem præmunitionem nactum effe appareat. Utriusque obfervationis fundamentum caufale non leve fulcrum habet in agentis ipfius habitu, quod per rationales moralesque turbas, ac operationes nec defatigatur, nec diffipatur, fed folum vitalibus œconomix confervatoriis actibus invigilare valebit. Quod fi itaque naturalis moderatio animæ tantum valeat in œconomix fuæ corporeæ regimine: tum nemo inficias ibit, plus valituram ejus energiam in æquilibrio actus vitalis confervando, fi rationalis, & moralis cultura accefferit, ex qua fcilicet corporis ac mentis prudens tuitio promanare debet. Ex quo rivulo hæc utilitas defluit, ut veri philofophi virtutum ac fcientiarum humanarum cultum in ejusmodi objecta deduxere, quæ mentem fanum in corpore fano confervare, non vero utramque partem, vel vanis difciplinæ actionumque fingularitatibus diffolvere, vel obrutas mentis facultates inordinato vitæ genere magis deftruere allaborant. Quod fi vero humana mentis difciplina in fuis facultatibus percolendis tantum faciat: tum tanto magis manifeflum fiet, quod fi culturam mentis altius evehi placeat in fapientiæ divinæ academiam ac perpolationem; quod tam certe energia cœleftis non fit defutura, fpiritum, animam, corpusque fanum ac fanctum, fartum tectumque in fanctificationis tranquillitatisque permanentis integritate confervandi. Integer vitæ fcelerisque purus, imo gratiæ divinæ balsamo tinctus, non eget terræ artificiis culinariis. Impavidum ferient ruinæ & elementa infecta, nec tenebrarum contaminabunt contagia. Spiritus novus

exaltat totam œconomiam actuum, ut inquinamenta validiore robore depellantur, & etiam ruinæ statæ lata patientia perferantur ac subigantur.

β.) Quæ cum ita se habeant, quod Rex in regno vitali placidus, & placatus serenum cœlum terramque reddat, i. e. agens vitale moderatæ indolis totam œconomiam vitalem in æquilibrio sano conservet ac facile restituat: tum sane prompte in hac inquisitione ad corporis ipsius habitum descendere valebimus, ut æque clare patefeat, si œconomix vitalis habitus in materia & motu, in actibus & visceribus, in sanguinis & humorum crasi perpetuo æqualem constitutionem foveat, quod tum constans sanitas non solum facile ac in longum tempus impetrari possit, sed etiam si ab externis, involuntariis maxime injuriis sit labes quædam introducta, facili negotio iterum expelli possit. Ratiocinationum firmamenta ut adferamus non erit necesse, cum totus macrocosmus, sic & microcosmus in suæ œconomix æquilibrio optime sartus tectusque permaneat in destinatum à supremo conditore tempus. Plebs loquitur ex firma experientia, quod ordini, æqualitati, simplicitati, mensuræ adsueti homines ita obdurentur, ut tandem miasmata ac fermenta maligna obvia veluti ligna extorrente ad littora prompte ita depellantur. Es wären verhärtete/ verpöchtete/ dergleichen in die Ordnung der Mäßigkeit/ Einfalt/ Arbeitsamkeit/ Gemüths-Ruhe eingerichtete Naturen/ daß sie grosse Stürme ausschlagen / ja wohl ausstehen können. Inde ex re veterinaria exempla parallela transumi solent. Wenn die Pferde biß ins 5. 6. Jahr geschonet würden / so könnten wir sie biß ins 30. Jahr gebrauchen. Sic animale hominis corpus usque in tempus succretionis dimiduum septimi septinarii, nempe 25. rationali diætæ ordine custoditum postmodum tanto firmitus ac durabilius redditur. Tanto magis ejusmodi individua in insultibus morbidis actus eluctatorii æqualitatem, constantiam tenorem salutarem experiuntur, quando etiam post juventutis bene transactæ tempora in consistente ætate regularitatem vitæ, ut ita exprimam, conservant, ut quantum possibile fermenta vitalitatis peregrina evitent, & externa fortuita

fortuita miasmata corruptiva largum fomitem non reperiant. Unica & largissima per omnia tempora confirmata experientia edocta, observatio, à plebe etiam adducta, hoc assertum roborat, quod plethorici athletici, sanguinis copia infarcti homines facillime in morbidas turbas incidant, ac difficilius perluctentur, quam alii extra talem abundantiam constituti, imo in valetudinaria veluti dispositione positi. *Die fette / vollgestopfte / blühende Naturen werden eher krank / und bleiben erliegen. Aber die mageren / leeren überstehen leichter grosse Krankheiten / ja kommen nicht so bald hinein.* Quisquis itaque hanc duplicem semitam certam ac tritam æquilibrii placidi in motu morbifico certo ac sollicito oculo, pedeque ingredi studet: inveniet, imo salutariter adhibebit internum sedativum contra turbas ac nimietates motus vitalis, scilicet mentem sanam in corpore sano quærere, i. e. animam à passionibus liberam ac tranquillam conservare, corpusque illecebrarum turbis non redere iners, nec abundantiam humorum viribus ac viis molestam lauta & otiosa diata accumulare. Sic & in hoc sanitatis conservandæ ac restituendæ tramite pietatis studium exeret suam utilitatem hujus vitæ, ut anima corpusque à voluptatum insultu custodita interitum tanto longius avertere valeat.

γ.) Si itaque lucta spiritus vitalis contra morbidas invasiones ex habitu innato & ascititio æquilibrii temperati quoad animæ corporisque statum non facile in præcipitantiam ac nimietatem prolabatur: tum tanto magis actus autocraticus, seu medicina interna, justum, æqualem, temperatum cursum absolvet, si ministerium medicum externum legitimam synergiam in proportionem temporis modi, loci, gradus observabit ac tuebitur, quod fit expectando, expediendo, sublevando, promovendo actum internum pro causæ exigentia. Latet in hoc mysterio arcanum methodi medendi, imo thesaurus medicus, omnes fontes pharmacæ, chymix, & alchymix, multis ponderibus exsuperans, quodque nec dici, nec scribi, sed attenta observatione hauriri potest ac debet. In amplissimum campum excurrere necesse foret, si hoc mysterium methodi universalis therapeuticæ

peutica commendare, ne dicam edocere, in me susciperem. Remitto inquirentem mentis oculum in tractatum STAHLIANUM Anti-Harveanum de arte curandi morbos cum expectatione, aliaque ante hanc commentationem de hoc argumento pratico uberissime prolata & mathematica demonstratione corroborata monita, cum energia naturæ operari, naturam in sui vergentia adjuvare, ministerium medicum cum tali magisterio autocratici actus probe conjungere, subordinare, impedimenta removendo, materiam præparando, vias aperiendo, errores corrigendo actum ab extremitatibus festinationis, ac retardationis in æqualem gradum deducendo, & ita per omnia genera speciesque morbidorum motuum regimen justum, & appropriatum inagens, imo peragens, inducendo & absolvendo. Est itaque hæc ministerii medici justa subordinatio certissima indicatio & indicatum, sedativum archei impetrandi sine multo artificio chymico vel hermetico, ut ex plebis etiam testimonio firma experimentalis totus tractus ac ductus morbi placite, tuto, certo decurrat, si intentio agentis depuratoria & eluctatoria apta manu directionis therapeuticæ expediatur. Ut adsertum unico exemplo collustrem, in febre placida tertiana actus energeticus naturæ æqualiter ac placide decurrit, si finis excretorius per vomitum, diapnoem &c. sola continentia quæta & abstinentia legitime succedat. In turbidum vero præcipitantia ac confusionis gyrum natura deducitur, quando hic scopus internus adæquatus per diætetica & medica impedimenta sufflaminatur. Quantas turbas nimiorum ac novorum motuum suscitant refrigeria, chinata &c. ut inscii judicent, peregrina fermenta, novumque ac inopinatum quendam morbum accessisse? Est itaque certum sedativum archei in motibus morbidis, si prudens minerva, apta methodus, naturæ ordo internis agentis luctis sese adsociet, easdemque ad destinatum scopum, terminum, modum, tempus promoveri aliaborat.

δ.) Sed ut ne in temperatione motuum morbidorum methodum naturæ ac artis adæquatum solum denominem; placet etiam generaliter & indicatum cum indicatione, remedia cum methodo conjungere, quo

quo cognoscamus, qua via ad hunc fontem pharmacia sedativi archealis pervenire valeamus.

1.) Aqua est certe sedativum, & præoccupativum motuum nimiorum certissimum, securissimum, utilissimum, tum in statu sanitatis, tum morbi, & quidem chronicarum acutarumque turbarum. Vide Hoffmanni disquisitionem & commendationem aquæ pro Medicina universali. Agrestis ac popularis vita, aquæ potu saturata, edocet largissima experientia hunc fructum, utpote quæ tota turba morborum æstuosorum, spasdicorum vel caret, vel rarius afficitur, vel mitius affligitur. Quamobrem febres æstuosas, hæmorrhagias impetuosas, arthritides atroces, spasmos pertinaces, dolores rodentes rarius apud hoc vitæ genus deprehendimus, quam apud illos, qui spirituosæ, aromatica, pingui diata utuntur. Hinc certe potissima virtus aquarum medicatarum pendet, dum simplex aquæ puræ usus crassam sanguinis consistentiam attenuat, diluit, abundantiam dissolvit ac consumit, acrimoniam orgasticam temperat, reliquasque massæ sanguineæ impuritates ad excretionem fluxiles & aptas reddit. Vitriolica, martialis, finilisque salina qualitas sive volatilis sive fixa reputetur, longe minoris ponderis est in consideratione, ac comparatione virtutis medicæ, sed solum aqueam emollitionem, levi tono reducendo, corrigit, atque ita dilutionis actum innocuum conservat. Unde salia ejusmodi extracta per se adhibita, imo ex minerali puriore latifundio hausta, longe tantam energiam non exerunt, quam aquæ foteriæ puræ. Inde generalis ac certa indicatio est, & manet medicationi per aquas minerales, ut ætas junior & consistens temperamentum abundantiaæ orgasticæ ac spissiori consistentiæ subjectum ei quadret, contra vero ætas senilior & junior, puerilis, causæ lymphalis qualitatis; viscerumque læsionis &c. contra indicationem forment. Congruit cum hoc scopo, usu ac fundamento potus aquarum calidarum, per orbem universum fere in consuetudinem traductus, quo etiam fato veluti quodam cœli usus & abusus potuum spirituosorum increassantium impediuntur corriguntur ac obliterantur. Profecto Thee herbulæ

D micula

micula, adstrictoria terrestri facultate pollens, per se in œconomia vitali nunquam ejus frugalis usus se se commendabit, sed solum in aqua, veluti in acidulis vitriolicâ levis adstrictio, humectationem emollientem ac relaxantem corrigit, ne scopus princeps attenuatorius, consumptorius, temperatorius impediatur. Quamobrem imitationes per herbacea ficciora terrestria foliorum fruticum acaciae, rosae &c. certius simplicem potum diluentem elargiuntur, quam per herbas ac plantas medicas, plus odoris, saporis, energiae possidentes, quae objectum impurum in sanguine deposcunt: Unde etiam secundum hanc qualitatis diversitatem infusa ac decocta theiformia pectoralia, uterina &c. adhiberi solent. Cum in sano statu, imo in chronicorum morborum impulsu, aquae usus tantum sedativum existat ad motus sanguinis exorbitantes cohibendas ac impediendas: tum certe huic simplicitati medicae palmam adferet experientia ac ratio in therapia morborum acutorum. Profecto popularis medicina uberrima exempla indies colligit, quantum aquae simplicis, pane tosto paululum conditus, potus apud pauperes valeat, sine ulla aut multa medicina sub abstinence & quiete ad febriles quoscunque impetus refræandos. Ditiores ditioris sorte non fruuntur, dum ordinarii potus vinosi, cerevisiarii ceteraque pharmaceutica artificia, imo vel sapidissima ac insipidissima ptisanæ: mature in summum fastidium abeunt, contra vero simplexque potus thee maxime satis dilutus, & herbae tinctura minimum tinctus, appetitui, & siti, imo utilitati satisfacit. Sacchari condimentum innocuum quidem est, dum hoc vinculo aquositas firmitus cum substantia humorum combinatur, ut dilutionis, temperationis, resolutionis actum lentius accertius exerere valeat, nec ita velociter ad secessionem transeat.

2. Quod si vero aquositas expansa tantum usum adferat sedativum ac temperativum in actus vitalis morbidæ aequalitate conservanda & ad justum scopum depuratorium deducenda: tum facile fundamentum à priori & posteriori firmum cognosci poterit, quod aquositas veluti, ut aliquatenus exprimam, concentrata, & per puram terrestreitatem fixata primum locum in artificiali sedatione sit habitura. Profecto
acida

acida & salia dextre selecta, & usurpata & medicos & agrotos hujus certi effectus ac usus temperaturii reddunt. Salia in genere sunt clavis, potentissima, firmissima ac durissima vincula compagum mineralium referendi ac dissolvendi. Habent itaque in animali mixtione faciliorem ingressum ac complicabilitatem, terrestitatem jam emollitam, sulphureo-oleosam ei adhaerentem fomitem ac igniculum, in centrali mixtione invertendi, temperandi, refrigerandi, sopiendi. Quamobrem tum acida pura, tum alcalino vinculo ligata sub certis causarum, subjectorumque conditionibus ac circumstantiis securam hanc sedationis energiam exerunt. Acidum citri, granatorum ribium berberum, similiumque frugum in regionibus aestuosioribus, quantum se se grato gustu, acceptoque usu commendent, large loquitur experientia. Tanto magis hanc culinarem medicinam aliae regiones & homines ditiores in aestuosis motibus vitalibus sec. & praeter naturam, pro temperatione refrigeratoria adhibent. Limonatae usus notus est in aestivo calore. Citri frustula cum saccharo temperata in aestibus morbidis aniculae aegris adferunt. In statu morbi pariter julapia refrigerantia ex aqua simplici cum paucis vino acuata & syr. rub. id. vel cerasorum, vel granatorum, citri, flor. tunic. &c. condita suppeditant. Imo aquas destillatas odoratas, cerasorum, acac. namph. cinam. &c. pro condimento admiscunt. Ptisanæ notæ sunt variae ex dect. CC. hord. ceras. passul. citratis & acidulatis. Acida mineralia etiam in hunc censum vocari solent simplicia & dulcificata, licet non eadem securitate ac vegetabilia, quia in macrioribus, cholericis, sensibilibus temperamentis majorem ardorem nervis imprimunt; unde non ita secunda evadunt ac in spongiosis, sanguineis, orgasticis subjectis. Taceo quod praecipue acidum salis com. irritationes pectorales suscitatur & augeat, & nitrosum stimulos diureticos inducat. Quamobrem alii vitriolicum acidum ut simplicius praefere suadent. Pendent inde commendationes phlegmatis vitrioli in febribus acutis, olei, vitrioli c. p. 4. 6. 8. Spir. V. r. simplici digestionem dulcificati, aut abstractoria cohobatione mitigati encomia, & universalismi elogia, quæ in sanguineis, spon-

D 2

giosis,

giosis, orgasticis, arthriticis motibus locum quidem habent; sed in tenerioribus internarum partium solidarum & fluidarum turbis circumspeditionem requirunt. Salia neutra in genere habent hanc sedationis laudem tum privative impedimenta visciditatum resolvendo ac removendo, cujus generis neutra salis communis & vitriolata faciunt, tum magis positive fluidas & solidas partes, sulphurea acrimonia orgastica tensas, blanda ac balsamica refrigeratione mitescendo, quod præstat nitrum. Hoc enim sal aereum ejusmodi conditionis est. si mixtionem chymico-physicam evolvamus, quod aquam, terræ puræ, immersam & principio igneo tinctam in se gerat, indeque facultatem possideat se se cum substantia sanguinis intimius conjungendi, & ejus materiam ac motum orgasticum moderandi, ut actus depuratorius æqualiter succedat. Experientia ipsa uberrime huic ratiocinationi viam præmunivit, dum nullum vel naturale vel artificiale concretum hætenus inventum sit, quod ita constanter, tuto, certe, utiliter motus morbosos exacerbatos, febriles, orgasticos, arthriticos, hæmorrhagicos &c. in æqualitatem salutaris eluctationis promoveat ac deducat, quam hoc mixtum, id quod per annuos usus multorum centenariorum pulverum nitrosorum demonstrat. Tanta vero inest refrigeratoria temperativa facultas, ut etiam coagulatio facile lymphæ accedat, quæ correctione nova conjuncta per absorbentia, diaphoretica fixa, digestiva indigeat.

3. Prout vero hæc sedativa per & in materiam temperante correctione operantur: ita pariter ejusmodi generis mitigantia attendi eorumque usus probe dijudicare meretur, quæ in nervos vel immediate in motum antispasmodica placatione operantur. Sic remedia ex animali regno fere omnia energiam magis in motum quam in materiam exerunt. Quæ etiam in tendendo motum operari deprehenduntur, ingressum occultum in nervos, imo ipsum actum fovent. Multa vero ex hoc censu peculiari antispasmodica placatione gaudent. De lumbricis terrestribus nota est observatio larga, quod in motibus spasmodicis, arthriticis, convulsivis imo epilepticis moderandis ac suppressimendis singulari potentia polleant. Fuerunt nonnulli, qui chymicam

micam clavem insuper adhibere studuerunt, & interius ad extra deducere veluti in mineralium analysi laborarunt, scilicet calcinatione lumbricorum usque in rubedinem, ex qua pulvillus prodeat ad paucissima grana turbas quasvis archei, veluti panacea hermetica sistens. Sic bufones, imo & talpæ usti simili fundamento, interius ad extra provocando, facultatem singularem nanciscuntur in doloribus vulnerum non solum, sed etiam aliis turbis ex motibus morbidis retrogradis irritationes & impetus naturæ sopiendo, ac morbidum actum in æqualitatem reducendo. Ad animale partum pertinent salia volatilia urinosa, quæ usum tonicum habent in exacerbationibus spasmodicis dolorificis, maxime sub declinatione paroxysmi, ut ita lacerati ac enervati nervi leni constrictione roborentur, ac vellicationis novæ turbæ præoccupentur. Ex vegetabili regno, si quæ sedativa qualitate gaudeant, illa ex duplici imprimis fundamento agere videntur, vel terrestri aliqua constrictione motus nimios maxime exundatorios cohibendo, vel stupefactione intensum sensum ac motum ligando. Ex priore censu operantur chinata, quæ periodicos motus febriles, spasmodicos cohibere efficacia sunt, premature vero adhibita, si causa materialis nondum sit sublata, materiam & morbum eluctatorium cohibent. Sic terrea hepatica, splenetica, similis energię existunt, resoluta ac correcto infarctu, tonum viscerum relaxatum iterum roborandi, quali operatione etiam martialia in hypochondriacis vitiis agunt. Ex posteriore numero sunt opiata, similisque furfuris narcotica, ultimo loco nominanda & adhibenda. Certe enim abusus major, ac noxius magis est, quam usus. Carere possumus hac universalitate stupefactiva ac sedativa. Qui enim palliationibus opiatibus imposturam ad tempus calcitrant, illi pro brevi placatione complicationes affectuum irregulares, & immedicabiles accersunt. Halitus horum arcanorum aliis temperantibus admixtus, & non nisi correctæ & evacuata causa continente adhibitus, in prudente methodo, ac experientia locum habet. Attamen obinæqualem effectum: cum etiam facile per opiata motus depuratorii supprimuntur variæ correctiones narcoticæ facultatis adhi-

beri solent per purgantia, alexipharmaca, castorina crocata, myrrhata &c. ut inde media virtus prodeat. Specifica, motus singulares respicientia, claudant merito agmen generale. Sunt vero ad notionem primam incognita reddita ex mechanismi turbis, cum dari ea in dubitationem sit traductum. Dari vero docet experientia, & illustrat ratio, dum archeus verbis, lapidibus, ac herbulis, in suis irritis, anxiis, turbidis actibus compesci posse operationes vitales ac rationales declarant. Non est spiritualis, sed naturalis, ut dicatur, magia, de qua, uti de superiore magis generali, in specie jam documenta & experimenta addere placet.

PARS SPECIALIS

DE

SEDATIVI ARCHEI

DOCUMENTIS ET EXPERIMENTIS.

CAPUT I.

DE

SEDATIVIS ARCHEI

In Anomaliis pulsus, seu motibus febrilibus.

§. I.

Sicut morbus in genere quoad sui causarum complexum est actus naturæ, seu agentis vitalis, per intensiorem motuum vitalium varia inquinamenta putrefactiva eliminandi: sic febris in evidentiore statu ac gradu hoc nomine insigniri meretur, cum Doctorum & plebejorum consensu sub hac alteratione intensiva actus vitalis aliquid perpetretur, quod intentione rationali ad adequatum, & salutarem finem, locum, modum, tempus vergat. Anima materiam peregrinam, putredinem ac mortem œconomiz suæ vitali minitantem, in suo gremio diu tolerare ac conservare nequit. Unde omni modo intentionem suscipere debet, eam putredinem

maure

mature expellendi, sicut ordinario vitalitatis actu impuritates sanguinis, & nutritionis perpetuo secretionis & excretionis actu è mixtione ac structura animali expellit. Medium itaque ac instrumentum, quo anima, tanquam principium vitale utitur, pro destructionum materiis subigendis, est actus secretorius ac depuratorius in visceribus ad hunc scopum destinatis. Quum vero materia vitiosa sit gradu majoris potentiae, quam ordinariae impuritates, ad hunc corruptionis effectum inducendum: requiritur inde gradu major intensus motus. Inde ordinarius gradus motus pulsorii intenditur, ut breviori tempore tota massa humorum ad colatoria compellatur, & ita fermenta impura separentur, imo è tota oeconomia animali expellantur, quod per sudores, urinam, faeces, mucositates &c. evenit. Actus itaque intensioris motus circulatorii sanguinis, qui calorem, sitim &c. tanquam necessaria symptomata, & incommoda post se trahit, ut labores molestos, incendium domus impediens ac extinguens, sunt animae conamina utilia ac necessaria pro instrumenti sui corporei conservatione. Quod vero anima in ejusmodi rationali in se actu nihilominus erret ob periculi formidinem, repentinum mali insultum, indeque vel erronee, vel trepidanter, vel nimie ac praecipitanter operetur; nemo in admirationem ducere poterit, cum, ut superius dictum, ejusmodi turbæ ac praecipitantiae in actibus rationalibus ac moralibus, in quibus tamen propriae & aliorum sensuali ac intellectuali auxilio frui potest, indies occurrant. Quamobrem nimietatis excessus & aberrationes hic notare, solumque loco aethiologicae considerationis therapeuticum ministerium subordinare laborabimus, & hoc quidem per paucas observationes generales, ut ita via sternatur, in aliis exemplis generalibus, ac specialibus, manum medicam temperantem ac sedantem prudenter applicandi.

§. 2. In acutis febribus generaliter temperamenta juniora cholericæ ad praecipitantiam in motu febrili eluctatorio proclivia esse vulgaris experientia edocet; unde & tonsores cauti fieri solent in tincturarum bezoardicarum, camphoratorum, myrihatorum, volatiliū &c. usu, cum & refractæ doses, maxime intempestivo tempore incre-

incrementi in paroxismo, actus secretorii &c. motum jam precipitem in confusionis ἀνμὴν deducant, ut vel æstus furens sine sudore, vel sudores symptomatici diffusi, vel peregrini actus deliri, hæmorrhagici, inflammatorii ita insequantur. Experti vero, & ad experimentandum apti, observatores ac directores actus febrilis bene attendunt, an gradus motus in proportionem sub & objecti, temporis, finis, medii sit adæquatus, an solum sedula expectatione expediri, an stimulo placido erigi, an vero moderamine temperato in æquilibrium constans deduci, adjuvari, ac conservari debeat. Temperatus animus à sollicitudine trepidante, à curis, clamoribus, cursitationibus adstantium, à conscientia anxietatibus, similibusque moralibus impedimentis vacuus, redditur, imo, quicquid deest, gratia rationisque ministerio placatus magni ponderis existit, turbas vitales occupandi, & autocratiam febrilem ad statum æquilibrium deducendi. Regimen æquale in continentia quieti, in abstinentia ab omnibus diæteticiis irritamentis, in calore moderato omnes panaceas archeales in efficacia moderativa superat plebejorum testimonio. Simplex potus aquæ vel calidæ vel tepidæ motum ardentem sanguinis temperat, humores diluit, acrimoniam orgasticam, sulphureo-acrem demulcet, fluidificationem pro secretoria & excretoria promptitudine facilitanda, promovet, sensum ardoris refrigerat &c. Quantum momenti sit hic naturæ ordo pro sedatione nimietatis turbæ secura, docet contrarium regiminis vitium, quando medentes & ægrotantes potibus spirituosissimis vinosis, cerevisiariis, imo crudioribus, & æstuosioribus indulgent, maxime sub tempore incrementi febrilis. Moderamen etiam adfert non leve in impetu æstuosiore, quando in declinatione cujusvis paroxysmi sudorum lenis exhalatio commoda ac sedato regimine, continentia quieti, temperata dilutione imo solum halitu alexipharmaci, expectatur, expeditur, adjuvatur, promovetur. Insequens paroxysmus, imo universalistypus placide ita succedit ac decurrit. Quod si vero diapnoes proruptio statim alacritatem inquietam incutiat, & sudor morficans jectigationem, ventilationesque aereas sollicitet, imo refrigeria-

potu-

potulenta, erectiones, induriorum, lectorum, conclavium mutationes &c. accersit: quid tum eveniat, observationes tristes edocent, ut initia luctæ salutaris, imo morbi levioris, in recidivas acerbissimas, imo lethales, devolvantur. Quantum itaque simplex regiminis talis custodia valeat pro vehementiæ placatione, manu palpari poterit, & exinde addisci, imo omni sollicitudine attendi meretur, quid ulterius therapeutica manus valeat, si cum diætetico tali ministerio jungatur. Acida vegetabilia, citri maxime, nec non ribium, berberum, ceraforum &c. grata sunt temperativa in æstus febrilis ferocia, non solum sitim extinguendo, sed materiali nexu intimiore in mixtionem sanguinis ingrediendo, ac sulphuream acrimoniam obtundendo. Mineralia acida ejusmodi securitatis non sunt, maxime in æstuosis motibus pectoralibus concurrentibus, quos nimium exacerbant, maxime falis communis acidum, uti nitri acidum, motus renales magis stimulat, vitriolicum vero lympham nimium inspissat. Quamobrem non solum calidiora climata acidorum ejusmodi frugum pro medela æstus nat. & præternaturalis suppellectili larga potiti sunt, sed etiam alii affinia abundantia temperatoria participes redduntur, ut in omnis febris æstu citri usus pro securo ac utili temperatione ac refocillatione suaderi queat. Notari quoque meretur, quod, sicut citri usus, quocunque etiam modo ac formula diætetica adhibeatur nullum facile damnum cuivis temperamento adferat; ita hoc acidum, terris calcariis ostraceis immersum, optimam colliquationem fermenti acris sulphurei oleosi putrefactivi producat, itaque materiam æstus ligando effectus æstuosi nimietatem infringat. Notum enim est ex observatione attenta decursus febrilis, quantum in tempore incrementi, maxime & typi exacerbationis secretoriæ, quæ singulis diebus sub intensione æstus revertitur, valeant diaphoretica sic dicta fixa, quæ materiam acrem pinguem orgasmicam in sanguine præcipitant, & ita impuritates putrefactivas agiles invertant ac obtundunt. Primarium horum præcipitantium est terra ostracea absorbens, pauco acido, tum vini, tum maxime citri, semel saturata, ut ita complicabilitatem ex ali-

E

qua

qua falsedine consequatur cum sanguine. Fiunt itaque talia absorbentia semi saturata efficacia ac utilia in motu febrili diaphoretica fixa, præcipitando non tam aciditatem in primis viis, & in sanguine, sed oleosam acrimoniam fermentativam colliquescendo & ad secretionem disponendo, cujus actus indicia reddunt urinæ coctiones. Ex hoc fundamento à priori & posteriori stabilito erit ita usus sedativus tutus in impetu febrilis æstus, quacunque formula etiam adhibeatur. In potiunculis cum aqua diaphn. adhibentur conch. matr. perl. lap. cancror. &c. semi saturati acido quodam vegetabili. Terra animalia CC. ust. &c. stypticitatem induunt, si cum acidis commisceantur. Terræ ac boli sic dictæ sigillatæ, balsamicæ, pariter strictionem induunt. Porro sunt temperativa in actu febrili nitrosa, imo nitrum purum sine multa alteratione adhibitum, modo purum existat, & quidem non solum sitis æstuosæ formali mitigatione, sed acrimoniarum oleosarum in sanguine imo substantiarum acris fermentativarum, materiali inversione ac obrusione. Experientia edocet hoc fundamentum uberrime, quantum pulveres nitrosi ex nitro conch. citr. tartar. vitr. antim. diaph. imo cum pauca cinnabari acuatim moderativam ac sedativam energiam exerant in motuum febrilium ferocia mitiganda, imo in æquilibrium constans salutare excretionem deducendo, ac conservando. Una vel altera dosis omni die versus exacerbationis impetum adhibita veritatem ita confirmavit pluribus, ut ulteriore demonstratione non opus sit. Imo ea est mitescendi facultas, ut tempore status, tanto magis decremento, necessitas suadeat, ab iisdem abstinere, & despumationem naturæ, ut Sydenhamius edocet, alexipharmacis absolvere, seu cordiacis naturam erigere, ad se & excretorium actum consumendum, ne defatigata natura in inchoato opere labasciat, vel incongruo temperationis, refrigerationis, suppressionis regimine ac medicamine deficiat. Imo ubi prima præcipitatio necessaria requiritur, & erectionis dissipatoriarum negotium conjungendum judicetur, tum alexipharmacis fixis temperata volatilia pulv. contrayerv. aquæ diaph. scord. sambuc. cardb. &c. commixtari solent, maxime apud plebem, quæ subordinat. onis opus non

ita dextre observare valet. Sic in febribus acutis succedit labor sedativus ordine naturæ, ministerio diætetico ac therapeutico adjuto, ut per omnes species, imo individua, sub paucis variationibus hanc semitam tritam premere, eique insistere valeamus. Ad periodum criticam septennariam si ductum morbi, tanquam vergentiam naturæ, regimine apto prosequamur; tum tanto certius omnis vehementia, & impetus evitari, ac obliniri poterit, maxime si & exitus morbi placida analepsi, & alexipharmaco robore à reliquiis probe depuretur, novæque recidivæ fomes subtrahatur.

§. 3. In intermittentibus febribus, in quibus actio animæ totalem intermissionem gerit, sedativum in indicatione & indicato non ita locum habere censeri potest. At patientiæ in medentibus & ægris curta est suppellex, dum placidus intermittentium, sibi relictus, ac medicatione parum interruptus, decursus raro id vitæ ac sanitatis discrimen adfert, quam qui multis artificiis, & arcanis, (qui frigoris & caloris incommoda solum respiciunt) est turbatus ac suppressus. Cum vero actus naturæ solum & maxime directus est ad impuritates, in & circa primas vias eliminandas: tum certe nimietas sæpe invadit naturam in motu frigoris, vomitus, æstus, sudoris excitato &c. tum ex copia, vel tenacitate materiæ, tum ex diætæ regimine neglecto. Frigoris excessum non temperabimus, si vel ægrum æstuanti lecto, hypocausto, imo clibano obruere velimus. Est vero hoc incommodum, & consequens symptoma ex congestione sanguinis ad interiora, & humiditas serosa pro e- & demolliendo muco, in & circa primas vias tenacius obhærente separatur à massa humorum. Ministerium Medicum adjuvat hanc intentionem naturæ dilutione calida præmissa sufficiente, nec non digestivorum salium præparatione ac usu. Ita primos intermittentis febris actus facilitetur in ordine naturali. Vomitus nimis ac iteratus si accedat, irritum est conamen, anodyniseum suppressere, vel forti emesi promovere. Potius digestivis materia mucosa mobilis, & vomitui cedens redditur imo fluxilis, ut leniore exitu *κατὰ* deiciatur. Diuturnitas totius typi abscinditur, si recte & æquali-

ter intentio totius actus separatoria adjuvetur. *Æstus*, siccitatis, sitis molestia sequitur ordinarium cursum febris, sed magis extraordinarium, si refrigeratio, suppressio, simileque Medico-dieteticum vitium sit admissum. Unde abstinencia, & quies potus calidus aqueus, nec non digestiva & amara ejusmodi ferociam symptomatum deliniunt. Temporis observatio est quidem inquietis ægris triste, sed tutum consilium sedationis. Do exemplum. Quarta-
 næ autumnales tendunt ut plurimum in vernalem terminum. Si ægri diæta apta, & dictis pharmacis digestivo-amaris hanc periodum patienter expectant ac decurrunt; tunc sæpe hæc febris, qui therapie alias scandalo evadit, feliciter cedit, imo veram orthostadiam restituit. Quod si vero cura laborque in suppressiones per-
 chinata, martialia, opiata, aluminosa &c. impendatur: tum pro brevi, ac levi sedatione incomperibiles ac confusi paroxysmi, imo transitus in hæcticas, hydropicas, ictericas, nec non acutas, inflammatorias &c. deviationes succedunt. Sedativa itaque in intermittentibus sunt non positive talia, quæ communi usu celebrantur, sed privative magis, naturam medentem in actu autocratico adjuvantia causam, materiam removendo. Motus sic cessat per se, quando materia est sublata. Hæc non potest excerni ac promoveri, nisi prius mobilis sit reddita. Utrumque si processerit manu medica obstetricante, tum actus naturæ, iterato exercitio in consuetudinem traductus, una vel altera dosi tonici vel anodynii placari valet. Id si minus contingit, suspicio non sine ratione foveri potest, latere adhuc anguem in herba, motumque febris continuatum necessarium esse, pro reliquiis, tenacius visceribus infixatis, expurgandis. Ordo itaque naturæ est methodus medendi, & arcanum therapeuticum, quod prudenter applicari debet, si tollere morbum, non vero palliare, velimus.

§. 4. Ad febres chronicas pertinent febres hæcticæ ac lentæ; unde merito harum tractatio & consideratio per sedativa intermittentibus subungi poterit. Sedatio vel occupatio exacerbationum paroxysmi in veram indicationem transire ac pertinere multis videtur, cum
 causa

causa diu sine impetu ejusmodi hectico latere valeat. Est vero talis status hecticus comes abscessuum internorum quod non solum ocularis inspectio in cadaveribus hecticis demonstrat, sed etiam causa ac morbi antecedentes, imo phaenomena ac passiones concomitantes, indicant. Etsi vero talis ad abscessum in visceribus vergens dispositio non illico in actu ulceroso vel suppuratorio existat; tamen potentia seu actus primus infarctus, stascos mucidioris, scirrhotas &c. co tendit, quae languidiore aut citiore cursu pro diversitate subjectorum in plenariam corruptionem ruit. Potest vero ac solet talis nodosus infarctus vel major, vel minor in aliqua internarum partium, maxime in viscere, diu latere, & quasi dormire, priusquam febris hectica depascens accedat. Quod si vero supervenerit febris & plerumque plenaria consumptio corporis, & visceris putrefactiva dissolutio advenit, tum sane salutaris exitus morbi & visceris restitutio neque à natura, neque ab arte sperari potest. Specialis est observatio, quae superius jam est notata, quod in animantibus brutis saepius ejusmodi scirrhi, & apostemata occultiora in visceribus deprehendantur, cum tamen pro consumptione tabida pinguescentia magis insequatur, quod in genere ovillo frequenter obvenire solet, maxime in pectore ac pulmonibus; Unde illi, qui tussi sicca chronica cum aestu & languore affici ac tentari incipiunt, ad parallelismum ovium phthisicorum relegari solent. Sie feuchten wie die alte Schaffe / sie haben schwindstüchtige Schaffs-Husten. Altera observatio, quae porisma insecuturum de usu sedativi, commendare videtur, est, quod adultioris ac virilis aetatis subjecta eundem statum viscerum diu tolerare, & longiore tempore in hac hectica dispositione vitam conservare possunt, quam juniora, quae celeri impetu in hecticam consummatam ruunt, quamobrem saepius pro therapeutico scopo ejusmodi contemplatio sollicita subvenit. 1.) Corruptio visceris est status natura ac arte immedicabilis, uti corruptio partis externa profundior vel mortem vel partis vel universi post se trahit. (2. Incipiens corruptio, in nodoso infarctu solum constituta, averti alio modo nequit, quam si nodus ille intactus relin-

E 3

quatur,

quatur, & in quiete toleretur. 3.) Indicat hoc brutum animantium genus, quod agente stupidiore gaudet, quodque non facile contra ejusmodi læsionum ruinas insurgit, indicat etiam in humano genere adultior ac pacatior ætas, quæ ad toleranda incommoda in rationalibus, sic & in vitalibus, aptior existit. 4.) Quæritur itaque an & quomodo in juniore ætate, quæ ad mala avertenda æstuosius insurgit, indeque facile in nimietatis ac præcipitantix vitium incurrit, impetus motuum orgasmicorum, & hinc etiam hecticorum, præverti possit, ut malum incorrigibile toleretur. Non est hæc ficta, prima, otiosa, experientia ac ratione frustrata, indicatio, vel irrita speculatio. Nota est Anglorum præcipue Medicorum consultatio & medicatio non solum per aeris mutationem, & morales alterationes, sed per medicas actus subvenientis occupationes ac suppressiones, scilicet per chinata, quibus subito exacerbationes febriles in hecticis dispositionibus suppressere, & ita antevertere nituntur & hortantur. Ejusmodi monitum ac consilium & alii applicant, licet dubium effectum inde libere profitentur. Nota hoc scopo Mortoni, imo & nostri STAHLII, aliorumque suasio, ad V. S. statas revulsorias in hecticis, sub orthostadia aliqua non intermittendas, quæ in hoc statu æque necessariae sint ac in plethoricis. De utroque hoc auxilio, exacerbationes febriles in hecticis antevertendi, prudenter adhibito, possunt adferri exempla, quæ consummationem hecticam diu suspendere atque cohibere valere declarant. Securius consilium vero suppeditare animus est. Erat Medicus celebris præcipue in tractatione diætetica ac therapeutica hecticorum. Hic vero stratagemate usus est, dum ægris hecticis, versus tempora æquinoctialia ac solstitialia pharmaciam ac diætam blandissimam, veluti tractationem puerperarum, suaserit, per p. absorb. cum aquis diapn. & juscula alterata ex herbulis, vel rad. lenioribus absterfivis appropriatis. Imo hac fraude ægri sensim in perpetuam valetudinarii regiminis consuetudinem ducebantur. Profecto efficacior hæc insensibilitas medicationis est in paroxysmorum hecticorum exacerbationibus secure sedandis ac occupandis, quam arcana quavis alia, quantumcunque experientia addisci

addisci potuit. Imo nulla certior methodus est, hæcticos mature benevola analysi coronare ac absolvere, quam si vel purgantibus visciditatem evacuare, vel dect. dulcibus nodos emollire, vel terreis, tonicis, saturninis, martialibus, jovialibus colliquationes cohibere velimus. Illi vero qui acidulis blandioribus cum lacte temperiem sedativam quærunt, ultra metam diæteticæ mitigationis non transcendunt, dum alii securius simplici theæ formi potu ex bell. tussil. urtic. &c. c. lacte vel mucilagine avenacea, emulsione, gelatinaque culinari, modicum pascendo, naturæ libertatem ac quietem custodiunt. Gemmata sudores ac diarrhœas colliquativas tuto cohibere experimenta clinica docent ac admittunt. Similis usus ac fundamenti sunt vegetabilia terrea, hoc scopo in initio vel fine exacerbationum motus febrilis hæctici adhibenda, nempe species muscorum pulmonarium, hepaticæ fontanæ &c. utpote quæ tenui tono æqualitatem motus reducunt.

CAPUT II.

DE

SEDATIVIS ARCHÆI

In Anomaliis Toni, seu Motibus humorum spasmodicis, orgasticis, &c.

§. I.

Pincipium vitale in organismo motus autocratici tum secundum tum præternaturam, œconomiam suam corpoream à destructione corruptiva præservandi ac custodiendi, utitur duplici motus instrumentalitate, nempe progressivi, pulsorii, circulatorii, & tonici à priore plane alieni. Primo actu massa tota sanguinea à corde ad partes depellitur, & ab iis iterum reducitur, eo præcipue scopo, ut sanguis appulsu ejus ad collatoria impuritates putrefactorias deponat. Altero actu, qui systolem & diastolem fovet in omnibus partibus fibrosis, motus præcipue autocraticus dirigitur ad partem specialem, sub quo actu motus progressivus haud alteratur. Cum vero prior actus per sanguinis motum progressivum auctum majorem naturæ laborem facessat, imo magis sollicitum, periculosum

sum, difficilem pro- & successum minetur: facile ratio à priori percipi valet, quod natura ægrius hoc methodo eluctatorio utatur. Altera verò methodus per motus tonici intensiorem reliquam vitalis œconomix systemati tantam difficultatem non adfert. Hinc frequentius huius motus tonici alterationes & exacerbationes eveniunt. Uti verò communi proverbio notum est, quod pauci morbi observentur, in quibus aliquid febrilis non notetur, ita etiam æque certum est, quod pauci obveniant, in quibus nil spastici, seu motus tonici alterationes, deprehendantur. Non est nostri loci, temporis aut scopi huius motus tonici naturam ac influxum in actum autocraticum principii agentis edocere, sed solum placet, imo necessitas iubet, pro sedativi vera indicatione in huius motus nimietate invenienda, summas classes ejusdem breviter delibare ac indicare, quo ordine ac statu in ejus excessu talis medicatio locum inveniat.

1. Actum hæmorrhagicum motus tonici intensiorem ac directionem à natura perpetrari extra dubium est, dum temporis, loci, modi, ordinis & similium immaterialium fere circumstantiarum observatio in hoc actu lucem naturæ rationali electione agentis, & appropriatum inde organismum eligentis, commonstrent. Cum vero efficientia huius actus, nempe anima vitaliter agens, & abundantia noxiæ confidens, pro objecto & causa materiali habeat plethoram, quæ consistentiæ, & qualitatis impuræ vitium adfert, & ne hoc succedat nullo alio auxilio uti valet, quam abundantiam aut motu febrili consumere, aut motu exundatorio deplere: tum natura exequitur hanc ultimam intentionem motus tonici intensiorem in oppositis partibus, & ejus relaxatione in locis excretoriis. In hoc vero negotio, qui vitalis necessitatis summæ existit, natura non semper justam mensuram motus & materiæ tenere valet, sed aberrat in loco, impetu, tempore, imo gradu activitatis intensiore ac largiore, quam obiectum ac scopus requirit. Nonne enim in cholericis maxime, agilioribus, junioribus, largiores exundantiæ fiunt, quam necessitas depletionis exigit? Cohibitiones crudæ adstrictoriæ plus damni adferunt, quam excessus in effluxu minabatur, quod præ-

præcipue hæmorrhagiæ sensibiliores pulmonum; renum, ventriculi, uteri, ani &c. edocent. Hic vero summi ponderis negotium incumbit ministerio medico, naturæ actum, vel, si purum mechanismum hic agnoscamus, totum affluxum ita moderari, ut evacuatio superfluiditatis fiat in iusta, nec in defectum nec excessum descendente, mensura. Exitum occludere communis moris est eorum, qui omnem hæmorrhagiam solum pro passiva exæresi & effluxu judicant. Male vero cum cedat intentio & actio, oppressio scilicet adstrictoria, quod indubia experientia comprobat, aliam ingrediendam esse viam, pathologiæ assumptæ adversam merito judicant. Inde sedativum in indicatione ac indicato certius exit, si, plethoram aliqua ventilatione tollendo, naturæ intentio præoccupetur ac facilitate. Accedit adhuc securior methodus præveniendi ferociam, si plethora & orgasmus, diæta ac medicina, imo moralitate, temperante avertatur. Quod si hoc scopo ministerium medicum sit positum; tum privative omnia orgastica in materia & motu subtrahendo, tum positive diætam, vitam, medicinam moderate refrigerentem introducendo: tum certe vel natura ipsa autocrator in sua anxia nimietate moderamen per se induet, vel securius præcipitantia æstuans furens temperari valebit. Id si minus fuerit impetratum in præparatione materiæ ac motus acrioris corporali; tum certe materialia, & idealia sedantia magis efficacia, adstringentia & specifica, viam quidem occludent, impetum vero ad alia, & quidem periculosiora loca, demandabunt; unde quidem damna tanto magis irreparabilia exeunt, quia ejusmodi impedimenta ab ordinario modo ac termino pertinaciorum sedem occupant, imo stases corruptivas relinquunt. Plebs ipsa successum talem firma experientia edocet, quod excessus hæmorrhagarum pectoris, ventriculi, uteri, hæmorrhoidum longe eundem effectum perimentem, sicut per terrentem non edat, quam defectus aut suppressio. Quæ observatio vere experimentalis constans meretur in considerationem therapeuticam duci contra impetus sedativos, ex impetu mechanico passivi fluxus, & ex ærescosubnaos.

a.) Hoc fundamentum sedationis hæmorrhagicæ, ut in specialibus exemplis demonstratur; notum est hæmorrhagiam narium & ani esse inter alias ex loci, subjecti, causæ, eventus, natura tolerabilissimam, securitate ac utilitate, imo & necessitate. Experientia docet in utroque genere effluxus impetum sæpe tantum fieri ratione quantitatis & furoris, ut mortem ante fores stare ac pulsare omnes ejulentur, at paucis horis ac diebus per se æstus quiescit, & defectus eum viribus brevi tempore ex diata gelatinosa, mucilaginosa, emulsiva sub quiete corporis & animi restituuntur. At intemperativæ, imo sæpe cum multa circumspeditione usurpatæ, suppressiones, quot quantasque turbas sæpe numero relinquunt, ut satis difficili consilio & auxilio corrigi, damna deleri, & pristinus æqualitatis status restitui valeat. Nonne ex simplicis narium hæmorrhagiæ suppressione sæpe regurgitationes ad pectus hæmoptycæ, ac phthysicæ subnascuntur? Nonne hæmorrhoidum vel martialis aperitiva, uti putatur, tractatio infarctus viscerum abdominalium hydropicas, ictericas, hecticas &c. produxit? Quamobrem si in utroque casu fervor naturæ errantis excedere judicetur: tum tamen, maxime ante adstrictoriam sedationem, temperatio in genere commendata advocanda est, priusquam cohibitioni mens manusque studeat. Tum temporis specifica, sic dicta, ideali solum aliqua impressione motus errorem tutius sopiunt. Sic v. g. in genere persicaria sub forma amuleti, senescente impetu hæmorrhagias has, uti & alias suspendere observatur: Radix nigellæ in hæmorrhagia narium sub lingua detenta, succus millefolii, uti & aliæ ejus herbæ formulæ, narium, ventriculi, ani fluxus sanguineos sistere jam dudum à RIVERO, STAHLIO aliisque firma experientia sunt solidè commendatæ, cum cautela, ne præmaturus usus damnum relinquat. Et sic de aliis specificis judicandum.

b.) In hæmoptysi impetus sanguinis ferocior ac pertinacior existit, cum magis subjecta juniora, orgastica, cholericæ invadit, & talia quidem, quæ habitum ejusmodi motuum hæreditarium in se gerunt. Multa exempla obveniunt, in quibus exundantia largior & repetita procedit, maxime in foeminino sexu, longe minus eo damno, quam quod
infe-

insequitur suppressiones adstrictorias, quas presso pede phthifica mala irreparabilia insequantur. Generalis dicta temperatio, etiam in anxiis actus hujus circumstantiis, magis locum habet. Quamobrem si sedationem necessariam judicemus, sedulo tamen abstineamus à tinct. antiphth. gramm. & similibus adstringentibus remediis. Oberramus securius temperantibus nitrosis, gelatinosis, emulsivis, imo traumaticis blandioribus pectoralibus ex chæref. urtic. bell. nummul. aur. mur. virg. aur. &c.

c.) Sic etiam in mictu cruento securum sedativum invenire rarum est, & rarius, id suo tempore adplicare. Nitrosa certe palmam aliis præripiunt. Traumatica modo dicta, diætæ temperanti pro condimento inserta, locum & usum habent. Hæmorrhoidum, mensium, ventilationum sanguinis artificialium revocatio ac in ordinem reductio viam naturæ monstrant. Uti turbæ diæteticæ, morales, medicæ facile hanc exundantiam exacerbant, ita tum sub his, tum extra eas, etiam suppressiones artificiales congestiones in stases ulcerosas hæcticas præcipitant, ad minimum nephritidem calculosam relinquunt indelibilem.

d) Hæmorrhagia uterina pariter documento fundamento atque experimento esse possunt ac debent aliis magis extraordinariis exundantiis, quod & quando hæ in largiore excessu tolerabiliores evadant, tam quoad secutura mala, quam quoad concomitantia symptomata præ earundem defectu. Inde conclusio practica formari poterit ex ratione & experientia, quod sedatio cujusque consequentiæ, fiat. Nonne enim menses largiores in ordinario statu minorem debilitatem sæpe adferunt, quam deficientes? Ipsæ hæmorrhagiæ impetuosæ ac iteratæ paucis diebus debilitates necessario insecutas deperdunt, imo denuo exitus idem revertitur? Hæmorrhagiæ abortivæ, molares tanto furore atque excessu sæpe, imo repetito insultu prorumpunt, ut animam simul ejici quis censere valeat. At abortu, mola exeunte subsistit uno veluti ictu exundantia cum tota motuum spasticorum systemate. Quinimo si tardius hæc excretio succedat alieni objecti, ob quod motuum spasticorum directio cum sanguinis excretionem con-

tingit,

tingit, necesse sæpe est, ut magis stimulo placido expulsio promoveatur, quam ut impetus hæmorrhagicus sistatur. Si enim cohibitio fiat violentior per artem, tum pro parca intermissione conamen naturæ excretorium eo vehementius revertitur. Quamobrem temperatio hic solum locum habet, & analeptica refocillatio, ut natura iteratum insultum, qui ob tenaciorem adhesionem necessarius est, perferre valeat, imo interpositio uterinæ blandæ expurgationis, pro sedativo vero scopo ultra gemmatam roborationem ascendere non licet. Sic certe in lochiorum nimietate eadem consideratio adduci debet. Adstrictio, quævis etiam adhibeatur, incertioris usus, imo certioris damni est, quam fluxus libertas. Tonsores & obstetrices ab experientia edocti sunt, magis laxantia, quietem, ligaturas, temperantia admittere quam adstringentia. Si non immediate stases inflammatorias post se trahant tales medicationes, tamen varias turbas, & quidem satis fixas abdominales insequi certum est.

e.) Ultimo loco in serie hæmorrhagiarum earumque tractatione, per sedativum mentionem addere opus est de hæmorrhagia vulnorum, in qua purus passivus effluxus judicatur directa sopitione sedandus. At experientia docet quantum vulnera sub æstu vinoso, iracundo, venereo &c. inflictæ motus orgastici fervorem in se gerant, ut, effluxu maturius sopito, necesse sit, V. S. pro febre vulneraria avertenda adornare, imo anniversarii motus contingunt ab ejusmodi lationibus, ventilatione iterata mitescendi. Quæ hic sedatio positiva celebratur salutariter, cum magis æstuanti actui portam aperire necessum sit?

f.) Id quod in artificialibus sanguinis missionibus vulgaris experientia commonstrat, dum revertente periodo stata talium evacuationum ea motuum vitalium turba suboritur, veluti gravis morbus immineat, nec temperari valet, nisi aperto exitu, imo natura ipsa congerit ad locum excretionis sanguinem, ut inde spastico-rheumaticæ tensiones infestent, imo vena secari solita ad rupturam intumescant. Peculiare phenomenon his diebus ex scarificatione iteranda expe-

experiri licuit, dum pedes aquæ calidæ immittuntur, vulnuscula ante 2. menses facta sine incisione referantur: & cruorem fundant.

II. Longior fui in consideratione therapeutica sedativi ad actum hæmorrhagicum, ut tanto evidentius patefcat, si hæc indicatio & indicatum in eo morbi genere tantam circumspeditionem deposcat, quod vere periculosum, ac veluti symptoma urgens, imo sæpe si mitius exprimatur, ut crisis erronea præcipitans in multis exemplis considerari debet; tum sane in aliis motuum conjunctorum speciebus, quæ saltim molestiam secum ferant, vel difficultatem luctæ, tanto magis sedationum cautelæ in medium vocare debent.

Motuum tonicorum exacerbationes sunt dolores, qui motus congestorios, hæmorrhagicos nifus insequuntur. Humores enim tum sanguinei tum serosi, si pro excretionem ad locum congruum depelli debent; fieri id aliter nequit, quam toni constrictione in opposita parte, & relaxatione in vicinia exitus. Cum vero perruptio ad excretionem non illico fiat: contingit congestio expansiva, spastica constrictione, inde gravativi lancinnantes, vellicantes, ardentes, dolorum sensationes subnascuntur. Et quidem in iis locis, in quibus excretionem per ætatem fieri solent. Unde in juniore ætate magis dolorificæ passionem in capite, in media in pectore, consistente in abdominalibus regionibus eveniunt. Passionem ejusmodi molestæ, quæ necessario promotionem ac excussionem humorum insequi debent, ut causæ sublatione, finis expeditione, medii adjutione, impedimentorum sublatione, fundamentaliter tolluntur ac curantur, hic ordo est naturæ hæc *angustia* ministerii medici, hic nervus artis ac methodi, imo medicamenti. Sed turba medicavit in pathematis accidentalis ac necessarii actus autocratici obliterationem ac obtusionem, ut inde radix morbi firmior evadat. Nomen quidem exit curæ palliativæ, sed omen periculosius evadit damnosius, & medicina morbo gravior. Si enim vel ex solius opii, tanquam sedativi dolorum principalis sacraque anchora, quærelarum medicarum atque ægrarum detrimentis ac imposturis molem ac virtutem hujus consilii æqual lance ponderare velimus; tum certo non solum

æquus rerum æstimator, sed tenacissimus fautor, stateram dubiam tenebit. Quot enim vel simplicium dolorum capitis, intestinorum, artuum, calculi, uteri &c. exempla quotidiana praxis offert, in quibus clarissimo documento & experimento tristia fata ac facta confirmantur, opiatorum usu sensum saltim paucis momentis stupefactiva narcosi esse oblitum, nec simul vel materiam, vel motum morbidum correctum ac sublatum? Et damnum tolerabilius foret, si tales medicationes materiam ac motum intactum relinquerent, & non potius in fixiorem ac tenaciorem inhaesionem deducerent, ut morbi irregulares nullo alio modo ac pharmaco in ordinarium statum deducendi, remanerent. Legatur saltim STAHLIANA disput. de impostura opii, & attendatur ad experimenta trepidantis ac temeræ experientiae. Ægri undique in ejusmodi attentionem sunt deducti, ut in dolorum etiam summa ferocia anodynorum theriacalium consolationes reformident. Imo vel mitiora anodyna actum ac sensum sopientia, in dolorum caderva suspectæ notæ evaserunt, ut ægri sub tali actu ex generali formidine lubentius continentia quæta, & anxia patientia paroxysmorum furores decurrere patiantur quam tentamina soporifera experiri. Eamus ad subjecta scæminina, sensibilia, cephalaigiis sæpius obnoxia. Edocent ipsa, quod anodyna interna, & externa stupefacientia, refrigerantia, inspissantia sæpius internas inflammationes, febres, phrenezes, metastases ad oculos, aures, imo ad pectus, abdomen &c. periculosas produxerint. Edocent contra, quod tolerabilius periodus decurrat, si uno vel altero die, imo solum hora, quæta continentia, calido potu, leni temperatione, laxatione, diapnoe discussio spontanea expectetur, atque expediatur. Colici & hysterici similia testimonia in utrumque latum adferent. Calor, quies, clyster, temperans multos paroxysmos lente & placide sistunt. Opiata brevem stuporem, maturum spasmodum redditum, malum colicum ac hystericum in consuetudinalem, pertinaciorem cursum, imo in peiores consequentias traductum malum relinquunt. Spasmi arthritici, quieto calore fatus ac potus pro tempore de spumationis ac discussionis spasticæ tolerati, statim ordine trans-

transeunt, massam humorum depurant, interiora obfirmant, viresque omnes vitales, animales, rationales mox in priorem statum reducunt ac conservant. At opiata similiaque stupefacientia interna, nec non externa etiam leniora camphorata, saponacea vulgaria & chymica, volatilia, sulphurata, emplastica &c. Stupores artuum, ariduras partium, metastases ad interiora producunt, & quidem cum elegante nomine ac nomine arthritidis internæ ac externæ fixæ, i. e. talis morbi complicati status, qui nullo medicamine ac methodo in regularem & sanabilem situm restitui valeat. Cum vero hæc experimenta non amplius fallacia ac incerta censeantur, sollicitudo medica ægris ac medicis impatientibus securius consilium suppeditare laboravit per lactis usum, sed certe ad scopum præfixum nondum pervenire valuit, unde commendatores tot cautelis sibi suisque consulere student, totque monitis novis errores lacteæ medicinæ obtegere laborant. Noti sunt illustres Medici ac ægri, qui podagrica, calculosa hæmorrhoidalia incommoda incommodis curis diætæ ac medicinæ lacteæ oblinire conabantur, & pro solamine brevi in mala non dolorifica, sed mortifera, sanitatem ac vitam tradiderunt. Plena sunt ejusmodi monitorum testimonia dogmaticorum & observatorum in studio clinico. Plena plenissimorum exemplorum est experientia quotidiana, ut aliorum ætatum testimonia revocare superfluum sit. Plena est plebejorum domestica medicina, quæ ejusmodi arcana solida experientia rejicere didicit. Sed ne & in hoc capite, motuum spasticorum dolorificorum excessu, sedativis curando, pariter, ut in priore limites transgrediar licet nil satis dicatur, quod satis dici ac repeti nequeat; adferam & hic in motu & actu dolorum ordinem sedationum, qui certissime ordine naturæ & methodo ei subordinata absolvitur. 1. Nimirum materia tollenda est, seu objectum ob & ad quod actus dirigitur & ob quod excessus contingit. Quæ cum sanguinem ut plurimum sit, præservativa ventilatio statariæ paroxysmi insultum in antecessum vel occupat, vel adventum reddit mitiorem. 2. Omnes excretiones alvinæ, diureticiæ, diapnoicæ expediantur in lenem successum, ut ita impuritatum secessio fiat. Inde colici,

cephalalgici &c. dolores clysterium, laxantium usu per se mitescunt. Nec non calculosi, hysterici, podagrici fremitus sola biliosa saburra sublatione temperantur, dum ita hæ excretiones reliquam materiam ac motum spastici & dolorifici actus corrigunt. Diapnoe blanda, quieta, statuta, cum naturæ vergentia facilitata, quam remissionem in omni dolorum ac spasmorum genere post se trahat, experientia edocet: Ut ita inde pateat damnum opiatorum aliorumque sedantium, quippe quibus excretionum libertas, tanquam actus vitalis sec. & præter naturam indispensabilis necessitas, sufflaminatur.

3. Materia & motus acris organica secure invertitur ac obtunditur, præcipitantibus ostraceis vegetabili acido semi saturatis, maxime vero nitrosis, quibus antispasmodica lumbricalia, cinnabarina pro securitate admisceri valent.

4. Externa omnia præter simplicem fotum calidum abesse possunt, ita ut sæpe camphorata in principio motuum turbas regurgitatorias, imo inspersiones exsuccatorias stagnationum post se trahere valeant. Privativa diætæ, morum, therapie, æstuantium remotio certiore motus humorum spasmodici medelam promittit, certiusque adferet, quam positiva turbarum vitalium panaceæ, five ex communi, five ex sublimiore culina adducantur.

6. Quæ vero post, & sub tali naturæ ordine ac ductu specificæ potentie ad específicos actus ac errores naturæ experientia firma producit, ac commendat; ea tali ordine observato secure tum subsidii complimentum adferre valent. Sic v.g. de millefolio jam dictum, quod in turbis, circa venam portæ sit sedativum certum, unde in motibus hysterici, colicis, cardialgicis utiliter quavis formula adhiberi potest. Radix rhodii externe in doloribus capitis, maxime acutis, temperans tale existit. Nuxvomica in phreniticis deliriis cephalalgis, imo similibus motibus ab incantatione & philtro moderamen adfert. Lisimachia in congestionibus anginosi amuletum est: Uti verbenæ pariter amuleti loco inservit in doloribus capitis periodicis. Lignum fulmine tactum in navis maternis recentioribus, in odontalgia idiopathica sedativum est. Veronica in clysteribus adhibita motus calculi & hysterici tali specifica impressione moderatur. Rad. scroph. fabar. h. linar. in dolo-

doloribus hæmorrhoidalibus, vel ut amuleta, vel ut discutientia specialia, in unguentis sedativa sunt. Nota sunt in turbis vitalibus spasticis à fascino remedia, maxime dect. ex sider. hyper. artemis. conyz. fl. purp. ruta, polytr. aur. visco til. &c. Plebs ipsa laudat in epilept. turbis specificè sedantia, r. pœon. & commendat collectionem, ariete solis motum recipiente ante novilunium collecta; Item visc. quern. &c. De motibus nimis excretoriis, utpote salutariter opinentur, tamen sedationem specificam admittentibus, nota est v. g. in motibus tussiculosis extr. tabac. forti excoctione cum aqua paratum, ut narcotica virulentia sit prius dispulsa. In tussi phthificæ excretionis pulv. sympath. puri immixtus. Lapathum cruentum in excretionè dysenterica non tam generali tonico, quam simili speciali sedationis halitu, operatur. Herniaria, virg. aur. &c. in motibus excretorio-spasticis calculi generalem traumaticam facultatem possident, at intimiorem mitigationis energiam adportant. Gummatosa, dulcia pectoralia glycyrrh. &c. generali quidem acrimoniæ seroso-urinoso-calculosæ mitigatione valent, & plus præstant, quam alia ejusdem qualitatis manifestæ. Qui materias medicas de hoc genere colligere velit, inveniet numeros innumeros. Debent vero cum grano salis, etiam in firmioribus observationibus attendi. Hic vero solum locus ac tempus indicationis & indicati & Sedativi annotari debuit.

C A P U T III.

De Cautelis practicis generalibus circa Sedativa Archei.

QUæ hætenus quoad fundamenta, documenta & experimenta de Sedativo Archei prolata sunt, ut indicationem & indicatum appropriatum in hac therapie classe reperiamus, sunt quasi nil aliud, quam cautelæ clinicæ, quæ tum individualibus exemplis, tum probatoribus testimoniis è schola clinica roborari possunt. Cum vero ejusmodi, etiam porismatica deductio in immensam molem incresceret: æquum judicavi pro brevitatís studio ex duplici classe anomaliarum motus pulsorii & tonici quædam summariter adferre, quæ sollicitum oculum in secura vestigia adhuc magis ducere valent.

valent. Quare pro coronide imponenda quædam axiomata generalissima superaddere placet, ut generalis thematis gravitas in ministerio clinico eo luculentius patefcat.

§. 1. Summæ necessitatis ac utilitatis est, ut œconomiam morbi ex actu vitali secundum & præter naturam probe introspicere discamus, & id quidem non tam labore mentis speculativo, quam attenta observatione clinica, ut intelligamus, quid sit actio, quid passio, quæ materia, qui motus, quæ causa, morbus, symptoma, quinam eorum habitus ac dependentia mutua, quinam causarum & effectuum nexus, imo quæ efficiens, materialis, instrumentalis, finalis, formalis &c. Hæc sunt momenta non metaphysicæ contemplationis, sed dogmaticæ empiriæ. Inde pendet in ministerio magni ponderis investigatio clinica, quidnam sit in actu morbido, quod subigi, quod vero expediri, tolerari, promoveri debeat. Quando itaque v. g. de febre mechanicus vel chymicus conceptus menti insidet, totam hanc alterationem esse puram passivam, effervescentiam, fermentationem, circuli irregularitatem; tum applicatio medica immediate subsequitur, confusiones tales quovis auxilio debere supprimi. Cumque experientia his consiliis repugnat, subnascitur refugium aliud illi, qui ratiocinationum & hypothesium coloramenta negligere non audet, praxin cum theoria in omnibus nec convenire, nec experimenta qualitate illa manifesta incedere. Quod si vero veritas illa firmo statuto, febrem esse evidentem speciem ac specimen actus naturæ autocraticæ, quo impuritas deleteria motus vitalis intensione necessaria expelli debeat: tum per se in apricum sistetur, frigus, æstus, debilitatem virium, appetitus, similiaque symptomata esse necessaria incommoda, passionem, consuetudinem scopum fundamentalem comitantia, quæve ministerio Medico non opprimi, sed in iusto tramite gubernari debent.

§. 2. Posito hoc generali fundamento ministerium medicum in regimine actus vitalis præternaturalis securam viam semper ingreditur, si operam non dirigat ad motus alterationem vel intensivam vel suspensivam, sed ad materiæ præparationem & excretionem. Profecto

fecto etiam in turbidis naturarum dispositionibus innatis actus vitalis constantius æquilibrium ac firmiorem ordinem observare licet, quam in actibus rationalibus sensualibus externis. Proinde in annomaliis pulsus & toni præstat, materiam acrem orgasticam impuram obtundere, & sub tali præparatione actus proportionem justam expectare, quam si ad motus nimii immediatam curam nos accingamus. Nonne præstat in febribus, hæmorrhagiis, doloribus, spasmodicis materiam orgasticam præcipitantibus nitrosis corrigere, quam si ad æstus, exundantiam, constrictionis, refrigerantem, adstringentem, sopientem suppressionem deveniamus?

§. 3. Quod si motuum vehementior status ac gradus ministerio Medico moderationem injungat, tum utile in hoc sedationis consilio erit generaliter & primo, si temperatio per gradus intendatur, ut à faciliore ad difficiliorem, à leniore ad graviolem, à tranquilla ad operosam methodum ascendamus. Universalis fere regula hic locum inveniet, ut, quod methodo diætetica corrigi possit, illud non ad pharmaciam demandetur, & quod medicamentis subigi possit, illud chirurgiæ non tollatur. Sic si orgasmum sanguinis, indeque varias turbas vitales provenientes, diætæ ac vitæ refrigerante temperare in voluntate ac potestate sit positum, sane hæc via securior, certior, & pro toto habitu œconomix vitalis constantior, sese aperiet, quam si placidæ etiam medicationes usurpentur. Si vero prima methodus non amplius medico & ægro arrideat; tum tamen temperatio medica systema vitale in eam alterationem non conjiciet, quam manus chirurgica qua major debilitas, consuetudo &c. introducit.

§. 4. Hippocratica monita certe sunt constantis adhuc experientix, veritatis ac utilitatis, ut quo natura vergat, eo etiam ducenda sit, quo ordinem naturæ in omnibus tueamur, si quid non succedat ad hanc naturæ tramitem, non transcendendum esse ad aliud, quod sit contra naturam &c. Sic dysentericam nimietatem, imo variolosam, per emeticum motum avocare & ratio, & experimentum fallax dictitabat.

§. 5. Cum in naturæ vergentiis, etiam in ejus erroribus, non sit justum ac proficuum, ut directâ oppressionē obviam eatur: tum tanto magis caveri debet ne sedationis consilio, etiam legitimæ indicationis, una ordinariorum excretionum simul improvida manu turbetur, ac supprimatur. Opiata in capitis, tanquam remotioris partis, doloribus facile alvi segnitiam imo adstrictionem cum brevi placatione adportant; inde turbæ capitis facile revertuntur, & alia damna accelerantur. Tanto magis in acutioribus actibus morbidis, hæc cautela locum habet, dum ita obliuiones symptomatis alicujus totum scopum salutaris luctæ turbare possunt.

§. 6. De gradu sedationis, & ordine successus monitum dedi, ut à diætetico ad pharmaceuticum, & ab hoc ad chirurgicum scala naturali ascendamus. In pharmaceutico fonte sedationis gradum quoque tenere convenit, ut temperationem vehementiæ prius intendamus, priusquam ad antispasmodico-anodynam sopitionem progrediamur, & hanc prius apprehendamus, quam ad adstrictorias cohibitiones properemus. Ita enim reliquus actus, qui fermenta morbida penitus expellere lento ac longinquo gressu nititur, non opprimitur.

§. 7. Quantumcunque vero dextre sedationis consilium administrasse nobis videmur: tamen correctio hujus auxilii statim con-& subjungendum existit. Si cohibitiones febriles, hæmorrhagicæ, dolorificæ &c. utiliter aperiens, temperantibus moderantur, quod vel tonsores in cura febrium chinata probe observare docent.

§. 8. Ad utile ac necessarium hoc in praxi clinica objectum ac thema quasi, de correctoria medicina pharmacorum in negotio sedationum & sedativorum cum primis respiciendum & vera ejus cultura inquirenda est. Sunt enim præcipue in hoc fonte pharmaceutico sedativa, uti & alia, quæ summæ efficaciam existunt, & energiam ex una parte salutarem, ex altera minus, reliquunt. Unde peritia adhibitionis à fronte & tergo requiritur.

§. 9. Corrigentia sedativorum sunt talia, quæ oppositam quasi qualitatem introducunt. Contraria enim contrariis curantur, tri-

tum suadet proverbium. Sic enim quæ actum naturæ errantem atque excessivum suppressere debent, ne ordinarium ac utilem simul turbent, obicem inveniunt. Id quod exemplis magis declarari valet. Nitrum inter omnia sedativa universalis certe ac securi temperantis in motu ac materia exastuantis, pharmaci titulum optimo jure possidet. At non solum in repetito usu, sed etiam in parciore adhibitione, maxime in tenerioribus, sensum refrigerii ita stomacho imprimit, ac si glacies foret deglutita, sed etiam in sanguine ipso coagulativa vis inspissationem lymphæ relinquit. Quare necessaria est combinatio digestivi, incidentis, absorbentis per tartarum vitr. arc. dupl. pulv. conch. lap. cancr. &c. Imo usus vespertinus & post cœnam, vel post jusculum aliquod, tolerabilior est ac matutinus. Chinata adstringendo ob siccitatem terream sedativam vim exerunt in motibus febrilibus aliisque periodicis affectibus. Corrigitur hæc constrictoria virtus, ne viscera & utiles excretiones suppressat, commixtione, imo subjunctione, amarorum solventium, digestivorum, laxantium. Quamobrem & ipsi agyræ ac tonsores febrium suppressioni chinatæ laxantia subjungere solent. Imo si suppressam febrem incommoda obstructoria acuta & chronica hectica & cachectica insequantur, tum matura aperientia, amara, gummi resinæ subordinantur. Sic jucundo ac utili experimento sæpe vidi, talia peregrina suppressionis symptomata usu pil. balsam. & ita restituta febre esse curata. Opiata stupefactivam efficaciam, quæ ordinarias secretiones etiam turbare solet, si non exuunt, tamen mitius exerunt, quando, si vel purgantibus, vel alexipharmacis commaritentur; Unde compositiones theriacarum, laudanorum, pil. Wildeg. Starck. &c. prodire ad ejusmodi normam sedationum correctiones aliæ dimetiuntur.

§. 10. Quod si vero in ambiguo sit, num methodo vel pharmaco sedationem motus nimii exequi debeam, imo si utraque via mihi certa, secuta ac utilis videatur: tum tamen securius sedationem per methodum, quam per pharmacum, præferre possum. Sic si

in febre intermittenti materia est correcta, & evacuata, solumque motus consuetudinalis praevaleat: tum certe, licet chinatum non sit reformidandum, tamen longe securior via est amaris, tonicis, leniter abstergentibus sub abstinencia & quiete ut insistam, quam si impatiente conamine suppressionis colophonem quæram. Methodi suppressio est naturæ emanentis, & in actu suo tempore subsistentis, expectatio. Pharmaci suppressio est dubia, conjecturalis, trepidans, temeraria finis occupatio.

§. 11. Quod si suppressio per methodum præstat præ ea, quæ fit per medicamentum, tum sane ratio & experientia dicitur, quod sedatio per medicamentum sine methodo nunquam secuta ac salutaria existat, sed semper cum methodo sit usurpanda. In omni enim morbo, qui est actus naturæ directus ad materiam morbiferam expurgandam, motus non potest aut debet cessare minus vi supprimi, priusquam materia sit correcta aut sublata. Id si præstitum sit naturæ aut artis subsidio, tum motus per se subsistit, vel securius ministerium sedationis admittit. Quamobrem ordini naturæ non est repugnandum, etiamsi efficacissima nobis obtrudantur pharmaca.

§. 12. Quod si cum methodo remedia sedativa omnis generis sint applicanda: tum sane omnis naturæ ordinis in circumstantiis etiam immaterialibus observatio hic requiritur. Hæc nota in specificorum usu tantæ est necessitatis, ut neglectus talis ordinis fructum specificorum reddiderit irritum. Quamobrem temporis, loci, ordinis, modi, cautelæ probe perdiscendæ & adhibendæ sunt. Quod ut tanto clarius in iis, quæ occulta quasi qualitate operantur, pateat, do exemplum in iis, quæ manifesta facultate sunt prædita. Si quis in initio morbi, vel quovis die tempore, anodyna, adstringentia, tonica adhibere velit, experietur non cum frugalem usum, quam si sub declinatione morbi, imo ad noctem, talem medicationem in usum traxerit.

§. 13. Denique de universalibus panacealibus sedativis quot quot venalia circumferuntur, quocunque etiam sesquipedali nomine ac
omine

omine vendantur, illud monitum ab experientia communicandum est, ne facilis credulitas nos decipiat, cum tales merces pretio saltem auctoris, opinionis, similisque sensualis fidei magis turgeant, quam vera radicali ac positiva virtute polleant. Quamobrem aestimatio talium magnalium pro varietate vestimentorum crescit, & decrescit. Apud ditiores fucus talis methodum ac medicinam certam comitari debet, ne in suspensionem delabamur, nos hermetica armatura esse destitutos. In decremento morbi si tandem talis essentia solaris granatorum, perlarum, corall. &c. refocillationem expectatione adportasse judicabitur: tum ignorantes quidem rapiuntur in admirationem, attenti vero iudices fumi gloria haud moventur.

§. 14. De dosi sedativorum observatio atque cautela est apponenda, quæ quidem levis momenti esse videtur, at sane gravioris ponderis considerationem fovere ratio & experientia demonstrabit. Cum enim remedia in materiam agentia proportionem habere debent ad quantitatem ejusdem; Hæc vero ut plurimum turgeat, i. e. in œconomia vitali non parca, sed ut plurimum larga sit: Largior itaque usus corrigentium requiritur ad nimium proportionatus ad materię quantitatem. At sedativa non in materia, sed in motum operantur, ubi leniore ac parciore stimulo motus alteratur. Quod si vero excedat quantitas sedativi, tum certe cum actu morbido & totus actus salutaris secundum & præter naturam turbatur, imo summum periculum accersitur. Rem exemplo declaro. In febribus intermittentibus materia mucosa in primis viis corrigenda requirit digestivorum sufficientem quantitatem, motus vero alteratio pauca dosi absolvitur. Si proportio invertatur, tum digestivorum parcitas muci copiam non resolvit, & tonicorum abundantia non solum motum morbidum, sed actum se- & excretorium, supprimit. Sensus communis hanc monstrat viam, at prudens patientia respuit. Nonne absolum est, imo summe damnosum, si chinata per uncias præscribantur, & salia digestiva, ess. amaræ paucis granis ac guttulis propinentur. Huic fundamento innititur cautela

de

de anodynis, imo martialibus, adstringentibus &c. quæ refracta & rara dosi adhibere observatores suadent. Sic hæc circumspèctio de dosi sedativorum in genere à nemine æqui judicii superflua censebitur.

§. 15. Ultimo loco in serie cautelarum meretur notari circa sedationis processum ille ordo, & cardo, illa norma & forma, illius indicationis, & indicati circa hoc therapie generalis fundamentum & documentum, scilicet quid statuendum sit de sedatione archei, per ejusdem defatigationem, enervationem depletoriam repentinam, per largas sanguinis missiones, per oppositas plane medicationes, à scopo naturæ, ut ita furor naturæ, nimietas & error supprimatur, & ad opus ordinarium deducatur? Est certe hæc methodus ex hypothësis chymicis, physicis, mechanicis in vitalitatis turbatæ statum componendum ita introducta, ut pro adæquata norma judicetur ad morbos actus sopiendos. Quamobrem de paucis hujus ordinis speciebus verbum addere, monitum vero vel consilium libero cujusvis arbitrio relinquere, ex æquo esse ducimus. Prima species hujus diætæ classis ac generis enervatorie sedationis sit & est per missiones sanguinis largas & repetitas, quam methodum Germani ab Anglis, Gallis &c. discunt & assuescunt, imo in fundamentalem indicationem trahunt, ac si in climatibus frigidioribus magis necessaria ac utilis imo secura sit, quam in calidioribus. De his enim constitutionibus climatum ac subjectorum, imo Medicorum nota est therapia generalis & specialis, quæ in morbis acutis & chronicis sanguineis illico ad hanc anchoram deducere ac confugere solet. De primo ordine hæcenus dubitatum est, quoad securitatem non minus, quam quoad necessitatem ac utilitatem, ut inde peregrinantes Germani Gallorum medicinæ sese ægre subjecerint. Sed certe experimenta succedentia tot numerantur ex fiducia medentium, ac consulentium, quot cumulantur ex latere dissidentium. Illæ observationes meam imitationem suspendunt, 1.) quod sicut macro- ita microcosmus optime ac constantissime motuum vitalium autocraticorum æquilibrio factus, tectusque conservatur, adeoque

violentæ chirurgicæ evacuationes extra spheram ordinariam excretionum decurrant. 2.) Quod si itaque natura ordinarios motus sanguinis progressivos ac tonicos intendit, & ad scopum depuratorium dirigit, tum, licet evacuatio sincera sanguinis sit suscepta, ab hoc suscepto opere ac methodo non avocatur, sed turbatur, imo ad erroneos actus invitatur, ut ita, prout Sydenhamius ipse acerbus missionum sanguinearum cultor ac defensor observavit, despumatio deficiat, ac cardiacis iterum suscitari oporteat. 3.) Quemadmodum vero missiones sanguinis præservativo scopo ac tempore adhibitæ morbos sanguineos nonnunquam præoccupant: ita curativa methodo, in ipso morborum sanguineorum insultu, usurpatæ, nec actum sufflammanant, nec mitiorem exitum adportant, etiamsi nullius damni esse deprehendantur, sed naturam sensilem reddunt ac relinquunt, ut facili occasione, & irritatione in pristinas turbas relabatur; quæ turbæ alia & ordinaria pharmacicæ methodo non facile possunt corrigi, sed requirunt iteratam ventilationem, & adferunt præmaturam consuetudinem actuum, & medicinarum ejusmodi morbidarum, imo sæpe senilis maturatæ atoniæ &c. Locupletissima farrago hujusmodi exemplorum suppeditari valeret, & opponi ventilationum nimiarum patrociniis, si quis medicinam aulicam, in tenerioribus maxime subjectis attento oculo scrutari suscipiet; ad minimum individua probe discernenda deprehendet, ut hujus methodi veram adhibitionem ac discretionem addiscere reperiamus. Quamobrem uti in maniacis, arthriticis, hæmorrhagicis non tam motibus quam furoribus individualibus ejusmodi depletoria ac enervatoria sopitio ac sedatio locum habet: ita universalem hanc monstrare, ac tenere viam in aliis affectibus congruam, nec fundamenta nec experimenta hætenus docuere.

Alia est species methodi hujusmodi heroicæ sedare turbas vitalitatis morbidæ per oppositas enervatorias energias. Chymiatři maxime hanc viam feligunt, amant, monstrant, dum per emetica, purgantia, sudorifera fortiora, salivantia &c. languidas morbi luctas ita adgrediuntur, ut natura ab ordinaria semita deflectat, imo len-

toris morbidi obliviscatur. Nonne huc pertinent multæ medicatio-
nes chymix crudioris, dum febres similesque chronicos affectus eme-
ticis vel purgantibus antimonialibus, mercurialibus, imo arseni-
calibus, debellare sustinent? quando in uno vel altero subjecto ro-
bustiore aliquo tolerabili fructu potiuntur, tum in miras gloriarum
exclamationes devolvuntur. In sensibiliores vero ac teneriores cum
incidunt: tum sane non audent strages tales recordari. Sic mer-
curialia etiam & salivantia sæpe numero non solum coagula fixa
lymphæ, & varias corruptiones feri, subegisse observata sunt, sed
etiam motuum anomalias pertinaces iterum disturbasse ac ita nimie-
tates actuum sopiisse deprehensa. Quis vero hæc experimenta for-
tuita ac specialia pro norma generali in methodo medendi exstruere
audebit?

Suffecerit vero hanc viam per sedativum errorem indicasse, ejus-
que usum vel fugam attento observatori commendasse. Suffecerit
quoque hæc pauca per titulos solum de hoc objecto medicinæ practi-
cæ attulisse. Cultura sagaci manui mentique relinquitur.

Num vana vacuaque sint adducta monita, experien-
tia solers docebit.

